

SA BUIPITELI

 Halu yemeñi ona cwalo fa nako nyana fela. Mulena yomunde, lu taha fapila Kubateni kwa Hao kwa Bumulimu hape ka nzila ya tapelo; pili, ka kufa buitumelo ku Wena kwa lika kaufela zo lu ezelize, ni kwa lilato lelituna mwa lipilu za luna ku Wena ni kwa Linzwi la Hao. Mulena, sicaba se, busihu bo, bo Ni lata ka pilu yaka kaufela, ba ipile mi ba tule ku toina mwa sibaka se si cisa, ni zeñwi kaufela, kakuli ba lata Linzwi la Hao.

² Mi lutille ku to lapelela bakuli, busihu bo, Mulena, ni baba tokwile. Kusike kwaba mutu ya fokola mwahala luna kwa mafelelezo a sebelezo. Ba fe mupuzo ka ku sepahala kwa bona, Mulena. Bulela ku luna ka Linzwi la Hao, mi lu tiise, Mulena, hanze lu ya, lu nze lu lwala maswabi cwalo. Ha ki litohonolo ni leo ka kueza cwalo! Lu kupa ka Libizo la Jesu. Amen. Mwakona kuina.

³ Ni palezwi ku fumana manzwi, kaniti faa, kuli ni fitise buitumelo bwaka kwa sikuwata sa batu sina cwana, sesi kona kutaha ku toina mwa muyaho wo. Ni bata ku bulela, kuli, kamuso...Kamba, lu kaya kwa Topeka, Kansas, kwa mukopano o tatama, mi wani uka yo fela ka la Sunda yetaha. Mi kipeto lwa ya, kuzwa kwani, lu ya kwa Philadelphia.

Mi, cwale, lu lukela kuya kwa buse bwa mawate, ku yo punya kwa Kenya, ni Tanganyika, ni Uganda, mwa—mwa mwahala mishobo ya kwani. Mi bana ni ku sa utwana ka fani cwale mwahala ma Mau Mau. Hani koni kuya kwani ka kuba mukutazi, kono Ni ka lika kukena sina muzumi. Kuya kwani, mi basweli ba itukisa zona.

⁴ Hañata, Ni ya nga kwani ka kuba mukutazi mi ni yo zuma, nako ye Ni ya inge kuli Ni yo zuma, mi ni be mukutazi. Kacwalo, kwani—kwani, ka mukwa kaufela wa kukena ku bona. Mi Muzwale Mattsson-Boze kipeto ukaba ni musebezi, kulika ku ni kenya mwateni, ku yo lukisa za kuzuma kuli Ni yela kuzuma. Kihande, kanti, Ni tela ku to zuma, kona kuli uka bulela kuli, “Muzwale wa luna Branham u mwa sibaka se.” Uya kwa sikuwata sa lindumeleti, “Kana kukaba hande hane lukaba ni mukopano nyana kwani?” Mwabona? Konakuli zani lika kala cwale, mi ni ku li zamaisa ona cwalo. Konakuli ha lu zibi ko li ka yoba, lukaba ni kueza sani, kamba kutokwa. Lwa lika. Mi Ni kupile Mulena, haiba sesiñwi sa ezahala seo asa koni, konakuli ikaba sisupo ku na kuli Ni lukela ku yo kuta kwanu kwa Jeffersonville ni ku to kutaza *Litolombita Zesupa*, ka kweli ya Sikulu kamba Muyana, nako yeñwi mwahali mwani.

⁵ Mi cwale, haiba lueza cwalo, lwa bona kacenu, luka lika kunga sibaka sa sikolo se kwanu se sina ni ze fukisa moyo, kakuli

kukaba hande mi ku ka bata. Lipula ze fifitini kuisa batu baba kuma fa mianda ye eitini bakona kuina. Mi ki ze fukisa moyo o bata, ki sibaka sesinca luli, ki buima bo bu ketalizoho kufitelela se. Mi nako yeñwi ne lu si kupile, kono ba tokwa ku lu lumeleza sona. Mi muuna yana lu hanisa sona ba mu lelekelwa kwande a katengo. Kacwalo he, muuna ya li kwateni cwale ubulela kuli lwa kona kuba ni sona ka nako kaufela ye luka si bata. Kacwalo lu—lu tabile hahulu ka kuba ni sona. Mi kacwalo lwa kona kuba ni sona cwale, mi fokuñwi mwa kweli ya Sikulu, mi lube... Ki babakai baba ka lapela, haiba Mulena wa lata cwale, haiba kuna ni se si lu hatelezi? [Kopano ili, “Amen.”—Mu.]

⁶ Mwa ziba, Na tabela Arizona. Ki naha yende. Ni tabela kubanga kwani kamita.

Haiba muka kutisa sani mwahali nyana, Muzwale Ben, haiba mu lata, haiba ki... Oh, sani... Eeni, sha. Eeni. Kamba, kamba ki mañi kaufela yali fateni, uka li kasheza nyana mwa halimu, kakuli Ni zwa mwa lika zani luli... [Yomuñwi uli, “Mizwale, ba tepu.”—Mu.] Muli cwani? [“Ani ki matepu fela.”] Oh, ki matepu fela. Oh, kiye yeñwi hape fa. Mu ni swalele. Kihona, Muzwale Ben. Kacwalo Ni...

⁷ Hane ni kuta kuzwa kwa Arizona, hane ni kena mo, ku ni silezanga linzwi laka cwalo, bakeñisa cinceho mwa buino bwa sibaka. Kwanu luna ni mwendi eite sebene kuisa nainte, mi fokuñwi ki handeleti pesenti, mufutumala wateni. Mi kwani ifita fa noto, mi cwale linako zeñwi, ka ku likanelela, ki mashumi amabeli mwa pesenti iliñwi ya mufutumala. Mu pila fela mwatasa tende ya okisijini. Mi ni kuzwa mwatasi mwani, kutaha kwanu, mu ziba shutano tuna ye si eza ku mina. Konakuli sa mi kataza kwa linzwi, ni zeñwi cwalo.

Mu ihohele fo ne i inzi, haiba mwa kona, Muzwale Ben. Ni ezize mafosisa ka ku ihohele mwa halimu. Ne ni hupula kuli kona cwalo, kono fahalimu *fa* kona fo ba ibeyanga.

⁸ Cwale mu lu lapelele, mañi ni mañi wa mina. Na itumela ku mina. Billy na sweli ku ni bulelela za mutu ya lu tiselize sizuma sa mubula, ni limpo nyana fela ze mukona ku... Hani koni fela kuziba mwa ku itumelela ku mina. Ha—Ha ni zibi mwa ku ezeza. Mi Ni—Ni ikutwa kuba ya sa swaneli ku amuhela lika ze cwalo ku mina. Ni lapela kuli Mulimu uka mi fuyola, Mi Ni ziba kuli Uka eza cwalo, kakuli Na ize, “Ona mo mu ezelize ku ba banyinyani bao, mu ezelize Na.” Mi Mulimu uka mi fuyola, Na kolwa cwalo.

⁹ Mi Arizona ka kuba naha yende cwalo, kuna ni nto iliñwi ye Ni tonda, yani ki, mina kaufela. Yeo ki niti. Ni tonda mina kaufela. Hani—Hani na taba kamba Ni ya kai, Hani—Hani... ha ki, ha ki mina. Nina ni balikani, kai ni kai mwa lifasi, kono ki—ki—ki haki mina kaufela. Kuna ni sesiñwi ka sikhata nyana se seo... Ni sa zibi. Na nahana ka bona.

¹⁰ Mi kwa Tucson, ki muleneñi wa bo sibuhabuhi, mwa ziba, mi likeleke za hoha, mwa ziba. Ki nto yetata nyana. Ha ki wa moyo hahulu; mi, kakuli kuna ni kangisano, itile hahulu; mi iba nto yetata. Kambe Neni kaba ni mina kaufela mina, hamoho ni keleke, mi kipeto lu yo pila kwani, Ni sepa kuli ne kukaba hande. Mwabona? Kono Ni bona kuli, ibile fela ye i kaina ili keleke, mane ni mina kaufela munze mu tahanga cwalo, Ni ka zwelapili kuba kwanu, kufitela Jesu ataha.

¹¹ Kacwalo mu ni lapelele, sina ha Ni bulezi fa nako nyana. Hani bati ku kutela fateni, kono ha Ni taha fapila mina, Ni—Ni banga ya ikalelwa, mi Ni ba ya swaba, ni kuba ni maikuto asili, ni kuba ya sa swalehi hande, hape. Ni ya cwalo, ka kukala, kacwalo Ni... si ni eza kuba ya lobakeha mwahali. Kono ka kuziba kuli kaufela ko Ni kona kuya... Hanina nihaiba si—si sikwata fa lifasi, se Ni ziba, se si ina bukaufi ni na inge sikwata se. Mi—mi Mulimu a lu beye ka kutokwa ku kauhana, kuli, mwa Mubuso o sa taha, lu yoba mwateni hamoho; kona tapelo yaka.

¹² Ne ni inzi fa munyako, inge ni ambola ni Bill Dauch fa nako nyana fela ye fitile ni sika isa kale mutu ku Kreste, hape, mwa sibaka sesiñwi. Kono ne niinzi fani inge ni ambola ni yena, myaha ye nainte wani ya kupepwa, na ize, “Ni—Ni ba ya fokola. Meto aka ha sa li yo mone a lukela kubela.”

Mi Ni nahanile, ka myaha yefelile kwa mulaho, Ne ni tile ku yena hana bile ni butata bwa pilu ni kutibana mwa misinga ya pilu, na shwa. Mi dokota luli yana sweli ku mu alafa, yana bulezi kuli na sike kuba hande, dokota u timezi. Mi ki yo Bill Dauch yainzi fa, mwabona, wa myaha ye nainte wani ya kupepwa. Se nili, “Bill, ha u sana tuso mwa lifasi ni hanyinyani kuya ka ku beleka ni lika ze cwalo. Kono Ni kupa nto ye kuli, ‘Mulimu ami fe mata,’ kakuli mulata hahulu mikopano hande.” Muuna yani wa myaha ye nainte wani ya kupepwa u sila naha ka mota, kucise, kuome, kubate, kusa iseza ngana, sika kaufela mo si inezi, ku teeleeza Linzwi. Mulimu afuyole moyo o sepahala wani. Cwale ha Ni sikaba...

¹³ Nina ni buinyazo bulibuñwi, bakeñisa ku mi inisa mo Ni ezelize kakusasana cwana, ka lihola zetalu. Mi ne Ni si ka eza ka sishemo kwa liñusa, kakuli ne Ni li pumezi, ni ku siya siemba sa lona, ni kutula siemba sa lona, ni zeñwi cwalo. Ki kabakaleo hane Ni ba bulelezi kuli ba buluke tepu pili. Ni ka li kutela fokuñwi ha kukaba hande kamba nto ye cwalo. Mi Ni—Ni—Ni utwile Moya, kono Ni mi talimela ni kuziba kuli musweli mwa ifukiseza moyo ka kuziba kuli kwa cisa, mi—mi si ni pazaula fela mwa liemba emba. Hani lati kuli mu nyande; Ni—Ni bata kuli mube mwa mbombolelwa. Mwabona? Mi zeo za ni katalisa.

¹⁴ Sina, ha Ni bona batu ba bakula; haiba ha Ni koni ku—haiba ha Ni koni kuikutwa ka maikuto a batu baba kula bani, konakuli Hanina kuba tusa ni hanyinyani. Ni—Ni lukela ku

utwisia mo ba utwela. Mi ki nzila yeswana ni—ni mina; Ni—Ni lukela mi utwisia ni mina, kusi cwalo Hanikoni kuba muzwale wa mina. Mwabona? Ni—Ni lukela ku mi utwisia. Mi, Ni eza cwalo; Mulimu uziba kuli yeo ki niti.

¹⁵ Mi cwale, busihu bo, Ni ka ipa kwa ku lapelela bakuli.

Mi Ni bata kuli...muuna, mi afuyole baana baa, bo Muzwale Collins, ni Hickerson, Muzwale Neville, Muzwale Capps, basepahali, ni babañwi kaufela, bakenisa lipiho zende ze sweli kutaha, ka mo mubezi hande, mo mu beezi keleke, mane ni mo lika kaufela liinela mwa sibaka sa zona. Ni itumela ku mina baana. Mulena ami fuyole ka kulika ku buluka mulao. Mi liñolo mwa mulaho wa liñolo atahanga mwa Tucson, ku na, “Muzwale Branham, haisali inge mone kubelanga. Seli nto ye shutana hahulu, ki maikuto a fuyozwi hahulu a Kubateni kwa pata ya Mulimu.” Mi Ni—Ni itumezi ka seo. Mulena ami fuyole!

¹⁶ Mi, cwale, busihu bo, Ne ni sweli kubala mwa Mañolo mo fa sibaka nyana, kuli—kuli mwendi ni tatulula manzwi nyana, ku bulela ni kubala Liñolo, mi mane mwendi ni Mañolo nyana a likani, mi kipeto ni bulele ku mina ka mizuzu fela ye likani mi ni ku lapelela bakuli. Isiñi nako yetelele kono ye likani fela; Ni sweli kutilima fa waci, mi Ni ka lika kueza ka pili mo ku konahalela kaufela. Kono ha Ni hupuli kuli sicaba sa batu ha si kopani hamoho, kusina kubala Linzwi kamba kueza nto ifi kaufela, kuba ni susuezo cwalo, kipeto mukopano wo hauna kuba o talezezi.

¹⁷ Buñata bwa mina mu libelezi. Buñata bwa mina muna ni limaili ze muna ni ku zamaya busihu bo. Mo Ni lakaleza sani! Mo Ni talimela ni kubona mañi ni mañi, ni ku nahana ka za... Kwani mwa Arizona, Na sepa, “Ha Ni ka mu bona hape, Ni ka zamaya ni yo mu swala mwa lizoho ni ku kumbatela mulala wa hae.” Mi ki mina ba muinzi mo, ni bao, ki kai ko Ni kona kuba, mwa ziba? Hani zibi nihaiba fa ku kalela, ni mo...ni ka zwela mwateri. Kono, eehe, Na mi lata. Mulimu wa mi lata, ni yena.

¹⁸ Cwale Ni nahana kuli, haiba ha Ni fosi, haiba ha Ni sika ba ni—ni Liñolo ka mafosisa le li beilwe fa, Ni bata kubala kuzwa mwa Makorinte Bapili, kauhanyo ya 1, ku kalela ka timana ya 18, mi hape ni kubala Makorinte Babubeli 12:11, kuli ni be ni ngambolo. Cwale haiba Ni kona ku fumana zeo kapili, mi kipeto lu ka bala, mi ni kulapela kipeto lu ka kala kapili, ni bulela fela ku mina ka mizuzu nyana fa tuto ye nyinyani. Mwa Makorinte Bapili, kauhanyo ya 1, kukala ka timana ya 18.

*Kakuli tuto ya sifapahano ki butanya ku ba ba shwa;
kono ku luna baba pilisizwe yona ki mata a Mulimu.*

*Kakuli ku ñozwi, Ni ka feza butali bwa baba butali,
zibo ya batalifi ni i fetule nto ya mbango.*

Wa butali u kai? muñoli u kai? mupihakañi wa lifasi le la cwale u kai? ha ni li Mulimu u fetuzi butali bwa lifasi ku bueza butanya?

Mutuhele Ni bale fateni fo hape? “Ha ni li Mulimu u fetuzi butali bwa lifasi ku bueza butanya?” Butali bwa lifasi le ki nto mañi he? Ki butanya.

... *ha ni li Mulimu u fetuzi butali bwa lifasi ku bu eza butanya?*

Haili fo lifasi ka butali bwa lona ha li si ka ziba Mulimu mwa butali bwa Mulimu, kono si tabisize Mulimu kuli ka butanya bwa tuto ya sifapahano u latile ku pilisa baba lumela.

Ni bale timana yeo hape? Muteeleze ka tokomelo.

Haili fo lifasi ka butali bwa lona ha li si ka ziba Mulimu mwa butali bwa Mulimu, kono si tabisize Mulimu kuli ka butanya bwa tuto ya sifapahano u latile ku pilisa baba lumela.

Kakuli Majuda ba kupa makazo, . . . mi Magerike ba bata butali:

Kono luna lu bulela Kreste ya kokotezwi fa sifapahano, ili sitataliso kwa Majuda, . . . ni butanya kwa Magerike;

Kono ku baba bizizwe, sibeli sa Majuda ni Magerike, Kreste ki mata a Mulimu, ni butali bwa Mulimu.

Kakuli butanya bwa Mulimu bu butali kufita batu; mi ku fokola kwa Mulimu kuna ni mata kufita a batu.

¹⁹ Mi mwa Makorinte Babubeli kauhanyo ya 12, timana ya 11, Paulusi wa bulela.

Ni ezize ka bukuba ha ni itumba; mu ni hapelelize: swanelo neli kuli Ni pakwe ki mina: kakuli mwa nto ifi kamba ifi ha Ni fitwi ki ba apositola ba batuna ku fita, ni ha Ni si sesiñwi.

²⁰ Halu lapeleni. Mulena Jesu, ekeza kwa manzwi a likani aa, busihu bo, a bulezwi mwa mazazi a kwa mulaho, ka muapositola yomituna Paulusi, kuli lukone ku kondisa za luna ka ku a teeleeza busihu bo, mwa ku abeya mwa bupilo bwa luna, kuli lukone kuba—kuba musebezi wa mazoho a Mulimu, baba eizizwe mwa sibupeho seo A lu ketezi kuba ku sona. Kakuli lu kupa ka Libizo la Jesu. Amen.

²¹ Ni ka kutaza busihu bo ka mizuzu ye likani, haiba Mulena a lata, fa tuto yeli: *Sa Buipiteli*. Cwale, yani ki toho ya taba ye tiile hahulu, ye siyo hande kuli ibe toho ya taba, kono yeo kwateni, Ni sepa kuli, luka ibeya kuya ka mo Ni batela ku i beela.

²² Mwa ziba, kuna ni lika zeñata hahulu, kacenu, zeo batu ba banga ba *buipiteli* ku zona, mo lu li bizeza. Mi mubulelelo wo,

haiba kuna ni ya si ka u utwa kale, utalusa mutu ya “icemezi,” mutu ya “ipitezi” ku mutu yomuñwi. Mi hakuna ku kakanya kono buñata bwa luna luba ba ipitezi, ku mañi ni mañi.

²³ Mi, cwale, Ne ni sweli ku zamaya mwa mukwakwa nako yeñwi mwa Los Angeles, California, mi Na bona mutu ya ipitezi hahulu, aeza ka kuipitela. Mi na sweli ku zamaya inza shetumuka mwa mukwakwa, na sa lwanisi, kono na sweli fela kuitamaela mwa musihali cwalo. Mi Na naya kwa neku leliñwi la mukwakwa, kuli ni bone sana sweli kueza. Mutu kaufela na sweli ku itemuna yena, ni ku mu seha, bakeñisa mubonahalelo wa buipiteli bwa hae.

Na lemuha kuli nana ni sisupo sene si lepelela fa pata ku yena. Mi Na hupula kuli Ni ka bona sa sweli ku seha mañi ni mañi, yena muuna, wa muipiteli yoo. Mi kacwalo na sweli... Na mu lemuha kuli batu hane basweli ku mu talima, ne banze ba mu seha, mi—mi, kono na bonahala kuba yana apezi lumenyo lo lu shutana, lumenyo lwa kuikutwa ku likana. Haili mamenyo asili one ba mufa batu babañwi neli a ku mu bona bukuba, kono yena na bonahala kuba ya tabela lika za na sweli kueza.

²⁴ Kihande, zeo ki lika zeñata za ku nahana fateni, kifo mutu haikutwa ku likana ka za eza haiba u lieza hande. Ni ha kaba ya ipitezi ku mutu yomuñwi, haiba u ikutwa ku likana kuli za eza li lukile, kona kuli yo aine ni zona cwalo.

Mi ha Ni sutelela bukaufi ku yena muuna yomunyinyani yo, Na lemuha fa...sifuba sa hae fa, fa sisupo sa litaku, neku Ñozwi kuli, “Na ni sikuba,” mi kwatasi, kuti, “sa Kreste.” “Na ni sikuba,” mwa litaku zetuna; kwatasi kafa, ali, “sa Kreste.” Mi mañi ni mañi na sweli ku seha ona zeo.

²⁵ Mi muuna yomunyinyani yo hana nza zamaya inza shetumuka mwahala bene ba sea ni ku zwelapili cwalo, Na itemuna kuli ni talime sene sili kwa mukokoto wa hae. Mi neku na ni puzo yetuna luli fa mukokoto wa hae, mi kafa kwatasi, ne ku izwe, “Cwale wena u sikuba sa mañi?”

²⁶ Kihande, Na—Na hupula kuli nabile ni nto yeñwi fani, mwa bona, kono na bonahala kuba ya ikutwa ku likana ka kuba sikuba sa Kreste. Mi sani kona sa na bulezi Paulusi hana bulezi kuli, “kuba sikuba” sa Kreste.

²⁷ Muzwale Troy, alimumu wa Baana ba Pisinisi ya Evangel Yetezi, ki mulikana ka yomunde luli, yena—yena ki mulekisi wa nama. Mi una ni kokwani yeñwi mwa lizoho la hae, na zwa kwa ku pumaka nama ya kulube nako yeñwi. Ki mutu ya ziba za teni kuli, kamba musali, wakona kuziba seo kokwani ili yona; kono ika—ika mi ca. Kacwalo, fakuli a pilise bupilo bwa hae, neba na ni—ni ku puma minwana ye milalu. Mi yena una ni fela minwana yemibeli kwa lizoho leliñwi, kono ni cwalo u siala inza li mulekisi wa nama mwa sintolo sa nama.

²⁸ Mi ne kuna ni mu German yomunyinyani yana sebezanga ni yena mwa—mwa sintolo sa kulekisa nama, kwani kwa Los Angeles, kacwalo ki—ki halika ku eteleta muna yo wa mu Dutch ku Kreste. Mi abulela kuli nali mu “Lut’eran,” mi neli nto yende ku yena. Na ikutwa ku likana kuli nali Mukreste, kakuli neli wa keleke, ya ba “Lut’eran” sina mwana bulelela. Kacwalo busihu bulibuñwi Muzwale Troy nabile ni litohonolo la ku mu isa kwa keleke.

²⁹ Libizo la hae neli Henry. Mi Henry, mwa si German, ki “Heinrich,” mi kacwalo neba mu bizanga kuli “Heini.” Mu utwile fateni mubulelelo wo. Mi ali, “Heini, ku cwani ka za kuya kwa keleke ni na busihu bo?”

³⁰ “Kihande,” ki hali, “Ni lumela kuli Ni ka ya.” Kacwalo aya kwa mukopano wa kale wani kone bana ni mukopano, mi ki ha ikolwisia hahulu luli, mi afa pilu ya hae ku Kreste.

Oh, ka zazi le litatama, yena muuna yomunyinyani wa mu Dutch yo na sweli kuikola luli. Fa ni fa na sweli ku zamaya mwa muyaho, ni mazoho a hae ana nuhezi mwa halimu, inza li, “Ku lumbwe Mulimu! Ni Itumezi, Mulena Jesu!” mi a taleza lilata babañata, mwahala bona kaufela.

³¹ Mwa bona, nabile wa buipiteli kwa sikhata kaufela sa balekisi ba nama. Mi na sweli ku pumaka nama, mi kipeto ukala kuhupula za Mulena, mi kipeto ukala kulila. Mi kihona abeya tipafafasi, ni ku zamaya zamaya kafa ni kafa mwa malibela, isiñi ka kueza lilata, kono neli fela kufa lilato ku Kreste, ali, “Oh, mo Ni Ku latela, ‘Yesus!’” Mwa ziba, inza zamaya kuya kwa mulaho ni kwa pata.

³² Mi mulena hae ataha a mubona asweli kueza cwalo, mi hana nza ya a zamaya cwalo, na lila. Mi, mulena hae, na si ka bona mulena hae; na sweli ku nahana ka za Jesu. Mi akala ku shetumuka cwalo, ni mazoho a hae a nanuhezi mwa halimu, ni mioko inze i buba fa malama a hae, ali, “O Mulimu, mo Ni Ku latela!”

Mi mulena hae ali, “Heini, ki sikamañi kanti se si ezahalile ku wena?” Mi ali, “Mañi ni mañi mwa—mwa mukoloko wa batu basweli kubulela za hae. Ki sikamañi se si ezahalile ku wena, Heini?”

³³ Muuna yomunyinyani wa mu Dutch ali, “Oh, muñaka!” Abulela kuli, “Kanya ibe ku Mulimu, Ni pilisizwe!”

Ki hali, “U bile sikamañi?”

Yena ali, “Ni pilisizwe!” Mi ali, “Ne niile ni Muzwale Troy kwanu kwa mukopano omuñwi, mi Na—Na piliswa. Mi Jesu ataha mwa pilu yaka, mi fa Ni tezi hahulu lilato!”

Yena ali, “Ku bonahala kuli noile kwa likuba zani kwale.”

³⁴ Ki hali, “Eehe!” Ali, “Kanya ibe ku Mulimu!” Ali, “Ni itumela ku Mulimu ka likuba!” Mi ali, “Mwa ziba, hamuba ni

mota ye sweli ku shetumuka mwa mukwakwa, mi kipeto mu comola kwateni litamiso kaufela, fohe kipeto hakuna se munani kwanda libunda la ‘bingengemwa’ fela!”

³⁵ Kihande, Ha ni zibi nto yeñwi kono muuna yomunyinyani wa mu Dutch yani na bulela niti. Ku zusa kwateni litamiso kaufela? Litamiso kona ze swala lika hamoho. Mi Ni sepa kuli sani kona se si sweli keleke hamoho mwa linako zeñwi, si sweli zwelopili hamoho.

³⁶ Cwale, kuzwa kwa kupota kwa Prescott, fa mazazi nyana a felile, Ne ni sweli kutalimela mwa lihalaupa kuli kuzwa mwa Phoenix bana ni Masimu a si Japanese, mi neba nani mapalisa kwani, mapalisa amande. Koo, hane Ni sali mushimani fela kwani, Ne ni fulisezanga ona mwa libaka zani. Likomu, ne kusina bucwani, kacwalo ne li pila fela ka mikakani ni manawa ni zeñwi cwalo.

³⁷ Mi cwale Na lemuha kuli se kubile—kubile kekezo ya kupepana mwa muitusisezo wa lihalaupa. Mi mwa lihalaupa lu fumana kuli, ki mikakani ni lipalisa. Mi mwa lapa la ka kwani, kamba ndu ko lu lifela mali; Kezeli Larson, Ni sepa kuli naliteni mo kakusasana kacenu, Ne ni mu boni. Mi una ni sibaka sa lipalisa kwande a—a ndu; ni mubu nyana. Lik a kaufela kwani ki lishabati, kacwalo nana ni mubu nyana mwa sibaka sa lipalisa kwa maneku amabeli a ndu yetuna yani. Mi kakusasana ni kakusasana Nina ni kuzwela fande ku yo selaela mapalisa ani. Haiba a Ni a selaeli, aka shwa. Mi aka ba... Mi kipeto, hape, Nina ni kunga zeñwi ni kufafaza ku zona mulyani, kuli likokwani lizwe kwateni; likokwani li ka lifeza kuca.

³⁸ Mi kipeto muna ni fela ze nyinyani kwa buse kwani, liñokolwa ze mashumi amalalu kuzwa fani, kuna ni lipalisa zeñwi ze sweli kuhula, mi kwande mwa lihalaupa za mela. Mi mwakona ku kata mwatasi ka liñokolwa ze mashumi amabeli kipeto kuba fela inge musima wa bupi; hakuna sesili mwa lifasi konji liluli fela, mi hakuna mezi ni hanyinyani. Mi ki mañi ya li selaela mulyani? Mwabona?

Ze mwa sibaka sa lipalisa, haiba mu palelwa ku li selaela mulyani ni ku selaela mezi, butwa kamba likokwani, linda, lika li ca kufeza. Kono linda halikoni kuca zani za mwa lihalaupa, mi ni zona ha litokwi ku li kombelela ni kusaelwa mezi zazi ni zazi; ki siemba sa Mubupi. Se ki simela sa mazwake.

³⁹ Mi Ni nahana kuli, kacenu, libaka leo Bakreste buble, cwalo kwa sicaba, kuba bukuba; kakuli luna ni sikwata sa ze tahile mi isi Bakreste ba niti, sikwata se si lukela ku kombelela ni ku selaelwa milyani, kuli bainelele mwa keleke.

⁴⁰ Na kona ku nahana yona Keleke yapili yani, seo nebali sona, ni ku si bapanya kwa zwelopili ya kupepana ye ya kacenu. Se sikona kuba kupepana ko ku nyinyani hahulu kuya ka mo ne iinezi Keleke yapili, bona balumeli baba buhali bani ku Mulimu,

ka Moya o Kenile. Ne musike kuba kombelela. Ne kusina tuso ya kuba swala swala fa mukokoto ni kuba bulelela kuli muka ba kenya *mwateni*; mi haiba ba katala ka yeo, baya ku yeñwi; mi kupeto muba keta kuba madikoni haiba ba kona kutaha kwanu ni kuzwa ku yeñwi ye. Ko ki kupepana kwa mazwake.

⁴¹ Ne ni sweli ku hupula ka za siswaniso sa Michelangelo sa pili, Na lumela, ka za “Mulalelo wa Mafelelezo.” Ni sepa na si swanisize. Kana mwa ziba siswaniso sa makalelo mo ne si ka lekelwa? Ne ikaba madollar asa konahali ku baliwa, ha koni kufita ku sani sa makalelo, kakuli si fitelela teko. Sina ni teko ye pahami hahulu! Kono mwakona kuleka nto yenca ya sona mwendi ka madollar amabeli fela.

⁴² Ki kabakaleo sicaba kacenu ha si utwisisi buhali bwa luli, bwa balumeli ba niti. Ba fetuha litamiso. Mwa ziba, lifasi likena mwa mukokolombwa kufitela fa ni fa kasamulaho wa nako mu lukela kuba ni sitamiso sa ku beya lika hande. Ku tokwa mutu kuba teni ya shutana nyana, mi usali sitamiso kwa lusika lwani. Ne ni sweli ku nahana ka zazi leliñwi, ki mañi ya kona?

Ki mañi kacenu ya si sitamiso? U sitamiso kamba sikuba ku mutu yomuñwi. Ni lumela kuli lifasi seli keni hahulu mwa bukuba. Kana mwa ziba kuli seli nako fo batu ba palelwa ku atula mwahala bunde ni bumaswe, kamba niti kamba buhata?

⁴³ Kana mwa ziba kuli batu ba litaba za naha ha bakoni ku atula mwahala bunde ni bumaswe? Mwa ba bona kuli ba kuzize ka za kuketa Bibele kukutela mwa keleke kamba kukena mwa... Bibele ku kutela mwa sikolo? Ha ba zibi kuli ki nzila ifi ba litaba za naha ye baka taza lilata ka yona. Mu nahane ka zona! Hani zibi mo kuinezi mwa Indiana cwale, kono mwa muleneñi wa Arizona ki ku lwanisa mulao ha mukona kubala Bibele mwa sikolo. Ni sepa ki nto yeswana ni mwa Indiana, buñata bwa ba mwa United States, kakuli musali yomuñwi ya sa zibi Mulimu u cincize mukoloko kaufela. Mi, muhupule, ki ze lwanisa mulao wa Bibele mwa likolo zaluna, kono mitelo ya balumeli i yemela ku sa sephahala kuli ibe mwa sikolo.

⁴⁴ Lipolitiki. Lu tokwa Abraham Lincoln yomuñwi. Lu tokwa Patrick Henry yomuñwi. Lu tokwa mu American ya kona kuyema hakuna taba kamba lipolitiki liyemi kai, ni kubiza kuluka kuli, “ki kuluka,” ni mafosisa kuli, “ki mafosissa.”

⁴⁵ Kana mwa ziba kuli bakutazi kacenu haba koni ku atula ze lukile mwahala, Linzwi la Mulimu kamba kopano? Haba zibi kuli ki nzila ifi ye bakona kunga. Haba koni ku atula mwahala bunde ni bumaswe. “Ni ziba kuli Bibele ibulela cwalo, kono keleke ya hesu ili...” Mwabona, batu haba koni ku atula bunde kwa bumaswe. Mi sika kaufela se si shutana kwa Bibele si fosahalile. Linzwi la Mulimu li lukile, mi linzwi la mutu kaufela ki buhata, leo la shutana ku Lona. Mi kulika kuyema fa—fa—fa nako sina cwalo, ni ku yemela se si lukile, muba sikuba.

Halu bizeñi batu babañwi.

⁴⁶ Na nahaniseza ka za mupolofita Nuwe, mwa lizazi lelituna lana pila ku lona lani; lusika lolutuna lwa sayansi lwani kone ba yaha mindandwe ye pahami ni maswaniso a kubasa fa macwe, kone bakona ku batisisa kuli nekusina puka mwa mbyumbyulu, ka lipatisiso za sayansi. Ki yo muuna muhulu ataha kwani, mi ali, "Ku ka nela pula kwa lihalimu." Nuwe nali sikuba kwa lusika lwani. Afetuha sikuba.

⁴⁷ Halu hupuleñi Mushe. Mushe, fani hana ile ku Faro, sina hane lu bulezi kakusasana cwana, mi Mushe ha ya ku Faro, mi ali, "Mulena uni lumile kwanu ku to lukulula batanga baa," ni kota mwa lizoho la hae, ku to lwanisa mpi yetuna yene kona kukoma lifasi kaufela. Faro, mwa zibo ya sayansi kaufela, a eupula kuli Mushe nali sikuba. Mi, nali sikuba, ku bona.

⁴⁸ Na kona ku nahaniseza ka mupolofita Elia, mwa lizazi la hae lelituna, hane ili lusika lwa mitinelo yeminde yeipitezi; fani Akabe ni Jezabele hane ba busa lifasi, sina mone luka bulelela, mwa mazazi ani; mi lika mitinelo yeminde kaufela ni lika za na bata kutina Jezabele, ni mwa na bezi ni basali bene ba tina sina yena, ni mipende ya hae, ni ku zwelapili cwalo, mitinelo ya hae, ka nzila yena tina ka yona. Mi cwale ndate tuna yomuñwi wa kale, sina Elia, hana tile mi a nyaza naha kaufela; ku Akabe, nabile sikuba. Yeo ki niti.

⁴⁹ Amosi, mupolofita, hanatile kwa Samaria mwa lizazi lani Samaria na swana sina Hollywood ya kacenu, basali mwa mikwakwa, bali kutina, mane nihaiba kueza buhule bo bu iponahaza, mone ba tundamezi kupila kwani, ba tuhelela baana...

⁵⁰ Seli buhule bo bu iponahaza, kacenu, ona fapila mina. Ne ni iile kwa sibaka sesiñwi busihu bobuñwi, kuli ni yo ba ni sa kuca, mi bashimani ba banyinyani ni basizana kwani neba kumbatelana ni ku tubetana inge ze Ni sa zibi.

Mi kana wa ziba, kezela ka yomunyinyani, kuli bwani ki boozwa? Muuna ha ku tubeta, ki kale a buka ni wena ona foo. Ha u lukeli ku mutuhela kuli aku tubete konji ha se mu nyalani, kakuli likalulo, likalulo za siina ni sisali zepeli cwalo, li mwa milomo. Kana mwa utwisisa? Mi cwale likalulo za muuna ni musali ha likopano hamoho, kamba likona kuba likalulo lifi kaufela za mubili, kipeto ki kale mu eza boozwa ona foo. Mi ha u lukeli kutuhela kuli mushimani a ku tubete konji pili lisila lani li apulwe kwa sifateho sa hae mi kipeto u musala hae. Usike wa eza cwalo! Ki kueza boozwa. Ki kukopanya likalulo za muuna ni musali hamoho.

⁵¹ Kiñi muuna ha sa tubetangi muuna, musali a tubete musali, kwa milomo? Kakuli ha li kopanyi likalulo zeo. Bana ba pepwa ka ku kopanya likalulo zeo.

Konakuli seli buhule bo bu iponahaza hape, kai ni kai. Mu talime fa mazimumwangala ni lika kaufela ze mubona, ki—ki kulota ni lwenge kaufela ni—ni ku tundanisa ona cwalo. Ki kabakaleo butanya bu fa—bu fa halimu! Kana bakona cwani kueza zeo, ni ku i kombakomba ili bona ka kutubeta basali bani mwa milomo, inge ba ziba kuli bwani ki boozwa! Mulimu hakoni ku swalela konji ha u baka.

⁵² Mi cwale, ha mutaha mu kambama, yena mupolofita yomutuna yo, Amosi. U zibahala kuba alimuñwi wa bapolofita ba banyinyani hakuna zeñata ze ñozwi ka yena, kono nana ni Linzwi la Mulena. Mi atalima kwande fa muleneñi wani, kaufela ne li filwe... Mwa libapalelo, baana bali kuina ni mazoho ba kambekile basali, mi basali mazoho a bona bali ku kambeka baana, inge Hollywood ya kacenu fela! Mi a zamaya inza shetumuka mwa muleneñi wani, mi ali, “Mu bake kusicwalo mwa shwa!” Nali sikuba. Na batile kuipulela kuli u lyangani, ku bona.

⁵³ Joani Mukolobezi, ha natile kuto iponahaza. Kwa likopano za bulapeli za lizazi lani, nabile sikuba. Nana ni kolo ya kuba muprisita, kuli a latelele mitala ya ndatahe. Kono a hana kueza cwalo, kakuli Mulimu na mu bulukile kwande a lituto za litumelo zani ni likopano, kakuli musebezi wa hae neli o butokwa hahulu. Na lukela ku patalaza kutaha kwa Mesia. Mi hana tokwile sika sa kueza ni Bafarisi bani, Basaduki, kamba kaufela bao neli bona, a toboha sikuwata kaufela sa bona, mi ali, “Musike mwa kala kubulela kuli, ‘Luna ni Abrahama kuba ndata luna,’ kakuli Ni li Mulimu una ni mata a ku zusa macwe aa kufetula bana ba Abrahama.” Ku ba—ku ba lifasi la bulapeli mwa mazazi a hae, nabile sikuba. Luli.

⁵⁴ Mi Jesu ha natilo iponahaza. Kwa sicaba sa bulapeli sa mazazi a Hae, Nabile sikuba ni yena. Kakuli, neba bulela kuli, “Wena u Musamaria. U lyangani mwa booko bwa Hao. U muuna ya pulumuka,” ka manzwi asili ki, “sikuba sa muuna.” Nali ya cwalo, kwa sicaba, Mulena mina ni Mupulusi.

Ki kabakaleo, Paulusi, na lutilwe ki Gamaliele kuba muprisita, nako ya zazi leliñwi ku toba muprisita yomutuna. Mi mwa musipili wa hae kuya kwa Damaseka, a wisezwa fafasi ka Liseli la buipiteli. Mi a i nuka ni kutilima mwa halimu, ka kuba Mujuda, mi a ziba kuli Siita sa Mulilo sani kona sene si etelezi sicaba sa habo. Mi ali, “Mulena, Ki Wena mañi?”

Mi ki Hali, “Kina Jesu.”

⁵⁵ Mi hana tobohile tuto ya hae, a toboha lituto za hae kaufela za bulapeli za na amuhezi mwa likolo, ni kuba sina babañwi, mukutazi wa mwa mukwakwa, nabile sikuba. Mi ali, “Ni bile sikuba.”

⁵⁶ Mi sicaba sa hupula kuli nali ya pulumuka, na palelwa ku icanganisa. A bulelela Festasi, “Ha ni si ka pulumuka.” Na ziba Mulena. Kono kuziba Mulena ka sikhata sa bulapeli . . .

Ni sepa kuli ha mu latehisa seo. Ku ziba Jesu, lizazi le, mwahala sikhata sa ba bulapeli, u sikuba. Ha li sika cinca. Neni ka ina hahulu fa taba ye, kono Ni—Ni bata ku akufela mukoloko wa litapelo.

⁵⁷ Martin Luther, yena muprisita yomunyinyani wa mu German yani, inza lwezi lico zazi leliñwi, ali yumbela fa mahatelo ani, mi ali, “Wo ha ki mubili wa Jesu Kreste. Se ki sinkwa fela sene si ezizwe kwa mulaho kwani.” Mi a bulela, kuli, “Baba lukile baka pila ka tumelo.” Nabile sikuba, kwa keleke ya Katolika. Ne ba ka mu bulaya ka sona, kono, nabile sikuba, mi ba mutuhela fela ona cwalo. Kono, nabile sikuba, kwa lusika lwani.

⁵⁸ John Wesley, mwa mazazi a butanya bo butuna bwa hola ya England. Fani, kambe ancafazo ya Wesleyan ne isika taha . . . Lifasi kaufela ne li tampakani, butanya neli kai ni kai. Mi keleke ya ma Anglican ne se ibile kwahule hahulu kufitela kutokwa kuba nihaiba ancafazo ni yekana; munahano wo namile ona cwalo wa bu Kalbini wani! Mi John Wesley ataha ni yena, ni—ni linzwi la ku keniswa, ku kenisa butanya bwani. Na bile sikuba.

⁵⁹ Kubulela sina Bo Wesley, nako yeñwi, mwa buka ya hae. Na sweli kutaha a shetumuka mwa nzila, ni alimumu wa baana ba Keleke ya England . . . Kaufela bona ba hupula kuli na lyangani, kacwalo a yema mwa nzila. Bo Wesley nali muuna yo munyinyani cwalo. Yena muuna muhulu yo a hupula kuli na ka mu bakula fela, konakuli a mu yemela mwa nzila. Bo Wesley ba zamaya inze ba taha bali, “Muni swalele, muñaka, kana mwakona ku ni zwela mwa nzila? Ni a kufile.”

Mi mu Anglican ali ku yena, “Ha ni zwelangi sikuba mwa nzila.”

⁶⁰ Bo Wesley ba tubula nyana kuwani ya bona, ba zamaya bukaufi ni yena; bali, “Na na zwanga kamita.” Konakuli, mwa bona, yani neli alimumu yana bile sikuba; alimuñwi neli wa Kreste; yomuñwi neli wa keleke.

Kacwalo, u sikuba sa yomuñwi, ni wena.

⁶¹ Mi Mapentekota hane batile ni bona, myaha ye mashumi aketalizoho kwa mulaho. Neba ize, “Batu bani ba pulumukile!” Nebali likuba, yeo ki niti, kakuli neba nyazize kubola kaufela kone kuli mwa linako za likeleke ka nako yani ha batilo taha.

Kono ki sikamañi se ba ezize Mapentekota? Ba kutela mwa mataza one ba zwile ku ona hape, kukutela mwa kubola kwa likopano. Kana mwa ziba nji? Seli nako ya sikuba sesiñwi. Eeni. Seli nako ya sesiñwi. Yeo ki niti.

⁶² Mulemuhe, sikuba, kono kuna ni sitamiso, kuna ni sibaekiso sa ku kenya mwa sitamiso sani. Mi sitamiso sani sina ni meno

kwa sibaekiso sa teni; haiba ha si kwani, kipeto sa cepeta. Mulemuhe. Kaufela bene bana ni meno, mwa mazazi a—a Nuwe, kuba ni meno a liñusa la Evangel; Nuwe, yena sitamiso, na ba hohezi mwa areka. Ku itingile ku seo meno a mina ali sona, se muna ni meno ku sona. Haiba muna ni meno kwa lifasi, ba ka mi hoha. Haiba muna ni meno kwa Linzwi, Li ka mi hoha. Ku itingile ku se muna ni meno ku sona, mufuta wa meno e muka latelela.

⁶³ Kono Nuwe, kakuba sitamiso kwa Linzwi la Mulimu, sitamiso kwa lusika lwa sayansi ni lusika lwa bulapeli mo na pila, na ba hohile, bene ba ka piliswa, kukena mwa areka. Amen. Bona bene ba lemuhilwe kale, sibaekiso sene si ezizwe ku sikaba kale sitamiso. Sibaekiso sina ni kuba ni meno kwa sitamiso.

⁶⁴ Kacwalo, Satani, una ni libaekiso ni litamiso, ni yena, libaekiso ni litamiso za mubuso wa lifasi le.

Faro na swana fela sina sikuba ku Nuwe, kamba ku Mushe, sina Mushe hanali cwalo ku Faro. Faro, kaufela ni mikwa ya hae ya sayansi, na hohezi naha ya hae ku yena muñi. Nuwe, ka kuba sikuba sa Mulimu, a hohela keleke mwa naha ya sepiso. Ku itingile neku lo nani meno ku lona. Na hohezi keleke kuzwa mwa Egepita; sina Nuwe mwa na hohezi keleke kuzwa mwa lifasi, kuya mwa areka. Mushe na hohile keleke kuzwa mwa Egepita, kuya mwa naha ya sepiso ya Mulimu.

⁶⁵ Jesu naize. Cwale, mu tokomele, kakuli litamiso ze ni libaekiso li bonahalanga ku swana luli. Mu talimele fela meno a zona. Mateu 24:24, Na ize, “Uka puma mane ni bona ba Baketilwe.”

Cwale, ma—ma American ni lifasi kopano kaufela ya lifasi li tokwa sitamiso.

⁶⁶ Ba Methodist, ba Baptist, ba Presbyterian, kaufela bona ba hasani ku *ze, zani*, ni kulwana kaufela. Mi, kasamulaho wa zeo kaufela, ba tamehile kwa meno a swana a sibaekiso. Konakuli Mulimu uba file sibaekiso, ni kuba lumela sitamiso, ili Katengo ka Likeleke za Lifasi. Kaka ba hoha kaufela bona hamoho. Yeo ki niti. Luli kaka eza cwalo. Kaka ba hohela hamoho, Katengo ka Lifasi.

⁶⁷ Mwa ziba, nekuli kuli, kwanu ha ki kale hahulu...Haku konahali kuli sika si ezahale, neba sika, kusina libaka. Basali ba bata ku tubula liapalo za bona ku siala mapunu. Neba bata kutina tuputula. Neba bata ku fumaneha kwa keleke niteñi. Neba bata kutina ona tunekunda twani, kamba mu libiza cwani kaufela lika zani. Ba bata kueza cwalo, mi niteni ba bata kuba kwa keleke; ba bata ku kangauka, ku huwa, ni kubina; kulapela, yani ki milapelo.

⁶⁸ Cwale, kambe Ni na ni nako, Ne ni ka mi bonisa. Yani ki milapelo ya diabulosi, kubina cwalo ni kueza lika zani. Na kona ku li bonisa ku mina, mwa linaha za bahedeni. Neba bata ku

lapela, ni kubuluka buipuleli bwa bona mi niteñi ba siala mwa keleke. Kacwalo Mulimu a bafa sikuba, zepeli kamba zetalu; yomuñwi na bizwa Elvis Presley; yomuñwi, Pat Boone, ni Ernie Ford; bakona ku opela lipina ni lika zeñwi kaufela, kono niteni ba ipapata kuba Bakreste. Ki sikuba. Ha li si ka swalana kwa Linzwi. Ki niti.

Cwale, Ni bulezi kuli Ni ka feza ka licika la hola, mi se li bukaufi. Kono, amuteeleze.

⁶⁹ Lifasi libata sikuba. Diabulosi wa bona kuli bana ni sona. Ba tamehile kale kwa meno ateñi.

Kono, fo lifasi ha li tamehile lwa meno ao, kuna ni sicaba se si bizwa Munyaliwa. Si tamehile ka meno, ni sona. Ka niti fela sina ha Ni yemi fa cwana, Mulimu uka ba lumela sikuba se si ka hoha Munyaliwa kuzwa mwa butata, kukena mwa Kubateni kwa Mulimu. Ikaba meno a tamehile ka Linzwi.

⁷⁰ Muhanyezi, ka mazazi alikani a fitile, naize ku na, kwani kwa Tucson. Na ize, “Wa ziba, batu babañwi ba kueza kuba sikuba, mi babañwi ba kueza kuba mulimu.”

Se nili, “Kihande, zeo li zamaya fela hande.” Neni ziba kuli ulika ku ni lwanisa. Mwabona?

⁷¹ Mi ali, “Batu ba nahana kuli u mulimu.”

⁷² Se nili, “Kihande, fela . . .” Ni ziba kuli batu ne ba sa ezi cwalo. Kono Ne—Ne ni ziba kuli na sa utwisisi, kakuli nali kwa neku leliñwi la litalo, mwa bona. Kacwalo Na ziba kuli na sa utwisisi, na sa zibi cwalo. Kacwalo se Nili, “Fani ha ki fahule hahulu ni Linzwi la Mulimu. Nji cwani?”

Mwabona, na mutuhela fela—na mutuhela fela kuli a zibe kuli na lu si ka lateha. Lwa ziba fo ne lu yemi. Lwa ziba mufuta wa musipili kaufela fa liwate o lubile ni ona, ni mufuta wa moyo ono sweli ku fuka. Lwa ziba seo meno a luna nali sona, ni seo sitamiso sa luna neli sona. Mi lwa ziba mo lu yemezi.

Se nili, “Sani ha si lwanisani ni Linzwi la Mulimu, hahulu luli. Nji cwani?” Se nili, “Hupula, fani Mulimu ha luma Mushe kuya kwa bana ba Isilaele, Mulimu na ezize Mushe kuba mulimu, yeo ki niti; ni kueza, hape, Aruni munyana hae, kuba mupolofita. Yeo ki niti. ‘Bapolofita kaufela,’ Jesu naize, ‘nebali’ balimu.’ Nebali balimu; inze bali batu.” Yeo ki niti. Mulimu utalusa ona cwalo.

⁷³ Amuteeleze, Linzwi le lu kutaza ni linzwi le Ni bulela kakusasana cwana, “Mulimu uipata kwa mulaho wa matalo, matalo a mikata, Mulimu uipata kwa mulaho wa litalo la mutu.” Mwabona? Sani kona sa Na ezize. Fani Mulimu hana bonahalile mwa lifasi, Na ipatile kwa mulaho wa lisila, kwa mulaho wa litalo la Muuna ya bizwa Jesu. Na apezi ni kuipata kwa mulaho wa litalo la muuna ya bizwa Mushe, mi nebali balimu, isiñi Balimu; kono nebali Mulimu, yena Mulimu alimuñwi, ki kucinca

fela sibupeho sa Hae, inza eza lika ze swana ka nako kaufela, inza tisa Linzwi le. Mwabona, Mulimu na li ezize ka yona nzila yeo. U ziba kuli mutu yani una ni kubona nto yeñwi; yeliteni ku mañi ni mañi wa luna ya pepilwe mwa lifasi.

⁷⁴ Inge mone Ni mi bulelela kakusasana cwana, hakuna yana tabela ku latelela Mushe mwahali mwani. Mulimu ali kuba a talimane ni bababeli. U talimananga ni alimumu, kamita. Hakuna ya na itakaleza ku likanyisa Mushe. Neli lifu, lifu la nama, ka kulika ku mu likanyisa, kuli akene mwa Siita sa Mulilo sani ni yena. Kacwalo sicaba ha si sika eziwa... Hamu si ka pepwa ka nzila yeo, kuli mukene mwa lika za buipiteli bwa moyo zeo.

Kono Mulimu u tomile babañwi mwa lifasi kuli ba Mu yemele, kakuba ndumeleti yazwa ku Yena. Mi ndumeleti yo u ketilwe, ki Mulimu, kuli aye mwa lika zetuna za buipiteli ze sa zibwi, ni ku lemuha, ni kutisa kwande lika zeo ngana ya nama ipalelwa ku utwisisa. Itisa kunutu ya Mulimu, ni kubulela lika ze sa taha, ni lika ze se bile teni, ni lika ze kaba teni. Ki sikamañi seo? Mulimu, Mulimu kwa mulaho wa matalo, litalo la butu. Yeo luli ki niti.

⁷⁵ Sam Connally upila mwa Tucson. U tile kwanu hañwi, myaha ye miñata kafoo, ni Bo Kidd, mi a foliswa; na katazwa ki litombo mwa ma fa lilimo zeñata. Hane Ni ile kwani litabula leli felile, Sam nana ni—ni licwe leo licaziba kwani, mwa—mwa Tucson, neba li tatubile. Neli le li tuna sina inge sikoto. Muzwale Sam Connally... Buñata bwa mina kwanu mwa mu ziba; u zwelela kwa Ohio. Mi aya ku dokota, mi ki hali, “Sam, itukise biki yetaha; Ni ka to zusa licwe leo,” mazazi amabeli kuzwa fani.

Mi ali, “Kana Na kona ku zusa licwe, dokota?”

Ki hali, “Ha ku konahali. Licwe lateni ki lelituna hahulu.”

⁷⁶ Kacwalo a mu beya mwa mota ni ku muisa kwa ndu. Mi a biza; mi ali, “Ni bata kuli utahe mi uni lapelele, Muzwale Branham.” Kiñi ha ni bizelize zeo? Mi Na kalisa ku mu lapelela.

⁷⁷ Se nili, “Sam, KISONA SA BULELA MULENA, licwe li ka i fitela isali lona.”

⁷⁸ Mi kakusasana le litatama aisa licwe ku dokota. Mi ki hali, yena dokota ali, “Bo Connally, Hani utwisisi mo ku ezahalezi.”

⁷⁹ Mi ki hali, “Ni mulumeli ku Mulimu, mi Mulimu ki yena ya ni fitiselize licwe, u ni zusize lona.” Muuna yani na palelwa kulumela, yena dokota. Inge fela mwa na palelwa kulumela sitimbi tuna sani sene si zwile kwa makupo a musala ka. Mwa ziba ka zona, mwabona. Kacwalo ki hali...

⁸⁰ Mwendi likweli ze silezi kasamulaho, yeneli mwendi zetalu...mwendi lisunda zepeli kwa mulaho, kamba lisunda zetalu kwa mulaho, Sam Connally a bitelwafafasi ka butuku bo butuna bwa pilu. Mi ha Ni zibi libizo lani, neli kupikeha, kamba

mufuta omuñwi wa kutibana kwa pilu, kamba ki sikamañi seo kaufela. Ki nto yemaswe hahulu... Haikoni ku... Hamukoni ku banduka kwateni, kona mo ba bulelela. Ki butuku bwa pilu, mi pilu ya hae ne itibani. Mi mautu a hae a luluhu kufitela lingongo za hae li ba zetuna kufita liutu la hae, kuto fita fakaufi ni noka ya hae. Kacwalo ba muisa ku dokota. Dokota uli, "Muise kwa ndu, ka kozo, kamba kwa sipatela."

Sam ali, "Hani lati kuya kwa sipatela!"

Ali, "Muise kwa ndu mi u mu lobaze mwa mumbeta wa hae, mi usike wa shenyisa toho ya hae, lizoho, kamba liutu, ka likweli ze silezi." Ali, "Wakona kushwa ka nako kaufela."

⁸¹ Mi Muzwale Norman a biza. Mi lwa ya busihu bwani, kubona Muzwale Sam. Mi hane lu mu lapelezi, Mulena a bulela.

Mi kakusasana le litatama, Sam aya kwa ofisi ya dokota, ni mautu a hae a malukwe a putilwe, ayema fapila dokota, mi ali, "Ni talime, dokota!"

Mi dokota a mubeya mwatasi a mushini o bizwa kadiogiramu, mi ki hali, "Ha ni utwisisi ze." Ali, "Kutela kwa musebezi." Mi ali, "U yanga kwa keleke ifi?"

Ki hali, "Ha ni wa yeñwi ya zona."

⁸² Mi ali "Haukoni kuba Mukreste kusina kuba ku yeñwi ya likopano zani. Una ni kuba ku yeñwi." Mwabona, ki zona fela za na ziba dokota. Sam nali sikuba, ku yena. Mi ni yena nali sikuba, ku Sam, ka ku buza puzo ye cwalo.

Mi cwale ki sikamañi sene si ezahalile? Sam ataha cwalo, mi ki hali, "Ki sikamañi se Ni kona kubulela ku mutu kaufela ya ni bulelela lika ze cwalo, Muzwale Branham?"

⁸³ "Ku ba bulelela kuli 'mube kwa Keleke iliñwi mi inosi fela.' Ha mu ikopanye ku Yona. Ha ki kopano. Mu pepwa ku Yona."

⁸⁴ Kalibe yomunyinyani, mwendi seli likweli ze silezi kwa mulaho, inza yendamezi fa sifuba sa Kezeli Norman. Ni libezi libizo la hae, neli musali yomunde hahulu yomunyinyani mwendi wa myaha ye mashumi amalalu ya kupepwa. Yena ni muuna hae ne ba kauhani, mi na katazwa ki ku felelwa hahulu ki mata. Mi nabile mwa buino bo kuli na palelwa neba ku zamaya. Mi mafelelezo ya ba maswe hahulu kufitela madokota haba mu lobaza fa mumbeta. Mi madokota neba nze ba mu lekulanga ona cwalo kufitela nako i kwana. Ba mu buluka kufitela la Bulalu lene litatami. Na ka be a shwile la Bulalu. Mi Musala bo Norman ku bonahala kuli ne ba mu zusize mwa mumbeta, ni ku mutisa kwani, mi neba mu swalelezi ona cwalo mwa sipula. Mi sina hana inzi fani cwalo mutu yomunyinyani yani, inza yendamena kwa mulaho ni kwa pata, mi ana ni limbi zali kuli twaa; mubala wa litalo neli ñanda talukeke fela, bakeñisa kansa, ku felelwa ki mata.

Se nili, "Kihande, Na kona kuku lapelela, kezeli."

Mi yena alika kubulela, kipeto miyoko ya tala wa meto a hae, ki hali . . .

Na—Na li, “Kana u Mukreste nji?”

Ki hali, “Ni wa Methodist.”

Se nili, “Ni—Ni ku buzize haiba u Mukreste.”

Mi ki hali, “U talusa kuba wa siemba sa keleke ya Bukreste nji?”

⁸⁵ Se nili, “Batili, ima. Ni talusa kuli, kana u pepilwe ka Moya wa Mulimu, ni lilato la Mulena Jesu nji?”

Mi ali, “Kihande, yela Na yanga kwa keleke.”

⁸⁶ Se nili, “Haiba Mulimu aku lumeleza kupila, kikuli u sepisa kuli uka kutela kuna mi ni ku bonise nzila ya Mulena hande ka patalaza?”

Ki hali, “Ni sepisa Mulimu sika kaufela, haiba Uka bandusa bupilo bwaka. Ni ka Mu sebeleza.”

⁸⁷ Mi pono ya ni tahela, yali, “KISONA SA BULELA MULENA. Usike wa itukisa; pazaula lika za hao za lifu, ki lizazi la kamuso muñwi.” Lani neli la Mubulo, mi na lukela kushwa la Bulalu. “Ha u na kushwa.”

Sunda yefelile, biki ya mwa mulaho wa Sunda ye, Ne niinzi ni yena mwa sibaka. Una ni mubili oeza lipaundi ze mashumi amalalu cwalo; dokota ubulezi kuli hakuna nihaiba mutala wa ku felelwa ki mata ani kai kamba kai. Mi na bata kuziba; mi Na mu luma kuli a yo kolobezwa ka Libizo la Jesu Kreste, mwa musima wa kusaelaela licalo, nzila ya Mulena. Ikona kuba sikuba, kono, “Ha Ni ka ngelwa kwa halimu, Ni ka bizeza batu kamukana ku Na.”

⁸⁸ Ne ni ilo pota, ku mushimani yana panganga matepu kwantu, Leo Mercier. Una ni kuta ye zibahala. Mi Ne ni sweli ku lapelela sicaba sesiñwi. Mi ne Ni lapelezi kalibe yomunyinyani ya bizwa Lokar, Ni sepa neli yena. Mi nana ni ku pazuliwa linako ze fotini bakeñisa kansa, mi madokota neba mu palezwi balitelala fela kuli a shwe. Mi a lapelelwa, mi ba mu bulelela kuli hana ku shwa, kono uka pila. Mi hakuna nihaiba mutala wa yona kai ni kai. Mi bakeñisa seo, baba mashumi amabeli kababa ketalizoho ni babalalu neba yemi kwani, ba piliswa ni kutala Moya o Kenile. Ikona kuba bukuba, kono ki kubisa batu kaufela ku Yena, baba ka taha. Ne li tamahani ka meno ni Linzwi. Mwabona se Ni talusa?

⁸⁹ Ni amuhezi liñolo le litile, zazi la maloba, liteni kwani mwa failo. Litabula leli felile, hane nili fa musipili wa ku zuma . . . kamba, kusehula kwa ñohola, neli mwaha o fitile. Mushimani wa mu Indian ya bizwa Oscar, yo lu zumanga ni yena mwa likululu kwani; kona koo Lingeloi la Mulena, lene Ni mi bulelezi, kwanu, kone litisize kwalata yani ni—ni manaka a shengile a benya.

Kaufela mina mwa hupula cwalo. Mi cwale mushimani yani, hane Ni keni mwa . . . Akena mwa tende, ku sehula kwa ñohola. Mi cwale Bud ani kupa kuli ni kupe mbuyoti, (atubula magulovu a hae; na pahami pelesa), atina magulovu ani mi aitukisa ku zwela kwande. Nali wa Katolika. Na sina sa kueza ni Sona.

⁹⁰ Litabula leli felile, hana konile, inza yemi bukaufi ni na . . . Bo mahe hane bali kwa mulaho kwani, inza shwa ka butuku bwa pili, ki hali, "Kikuli hauna ku yo kuta ku to mu lapelela?" Na kutela mwa katungu kani ka ma Indian kwani. Mi kwani, kaufela bona neba kopani ku potoloha boma ba, ni kushwa kwa hae, na sa koni kubulela linzwi la Sikuwa. Mi Moya o Kenile wa taha ku too bulelela bo mahe, ka ku itusisa mutoloki, mwana hae wa musizana, sene si ezahalile, sene sibile teni. Mane ni kubiza libizo la hae, ni ku mu bulelela sa nali sona, ni mushobo kwa na zwelela, mane ni mo ne lika ezahalela lika ze. Mi ni bo mahe ba fola kapili.

⁹¹ Mi kakusasana leli tatama ha Ni kutela ku yoba lekula, hane Ni se ni ya, kuli se niile limaili ze mashumi amane kukutela ngu, kaufela bona neba ikinezi ona fani, nali hande ka . . . ku pahama fa pelesa kuli akute ku yo yaneha nama ya kwalata. Mi se Nili, "Busihu bo bu felile hane Ni lapela, Na li, 'Ndata Luna Ya kwa Lihalimu.'" Se nili, "Louise, Ne—Ne . . . Neli tapelo ya Katolika. Mina kaufela mwa kala, mi kipeto, luli faa, Na mi siya." Mi se Nili, "Cwale Ni ka itumela fela ku Mulimu. Halu petangi litapelo; lwa lapelanga."

⁹² Ki hali, "Luna ha luba Katolika." Ki hali, "Lu lumela mo lumelela. Lu bata kuli u lunge kaufela luna u yo lu kolobeza mo kolobelezanga. Lu bata Moya o Kenile."

⁹³ Mwa musipili wa kukuta . . . Mushimani a latehisa lipelesa za hae, likweli kwa mulaho nyana pili, na palezwi ku li fumana. Mi muzamaisi na sweli ku mu omanya, ali, "Oscar, no lukela kuziba za kueza kufita ku siya lipelesa zani cwalo. Libere, buñata bwa zona, za kona kuca lipelesa ku feza ka nako ye."

Mi yena a swalelela kuyema bukaufi nina. Mi ki hali, busihu bobuñwi, ki hali, "Ni ku buze nto iliñwi?"

Se nili "Eeni."

Ali, "Muzwale Branham, lapela Mulimu. Mulimu a nife lipelesa zaka likute."

Se nili, "Bud ali bere ne ili cile."

Ali, "Muzwale Branham, kupa Mulimu. Mulimu fa Oscar lipelesa za hae likute."

Se nili, "Wa lumela cwalo, Oscar?"

Mi ali, "Na lumela. Mulimu a folise boma babe hande. Mulimu uka ku bulelela ko ku inzi bere, kone ku inzi nama. Yena Mulimu yoo, wa ziba ko ku inzi folofolo, wa ziba ko ku inzi lipelesa za ka." Mwabona?

⁹⁴ Mwaha o felile, hane ni yemi kwani ni Fred Sothmann, ya liteni mo busihu boo, Billy Paul, mwana ka wa mushimani. Moya o Kenile wa taha fafasi. Se nili, “Oscar, uka fumana lipelesa za hao. Lika yema mwa mbundu.”

Ki lani liñolo fani, lana ni ñolezi biki ye felile, mi Ni li amuhezi la Bufaifi, litile kwanu. Liteni ona mwa failo mwami ona fa cwana. “Muzwale Branham, Oscar ufumani lipelesa linze liyemi mwa mbundu.”

⁹⁵ Mo ne li pilezi, hakuna ya ziba. Ki yani, mushimani... Ka nako yona ye mwa silimo, Mbuwana, kuna ni mbundu yeñata hahulu kuli ikona kuba liñokolwa ze mashumi amabeli kamba amalalu a mbundu ha iwile mwahala zona. Kana ne li pila cwani kwani mwahala maliha, mwa libala le? Oscar wakona kufita ku zona, inza tiile makatulo a nako ya mbundu, kono, kakuli, hakoni kutinisa pelesa ya hae makatulo a tiniwa mwa mbundu. Kono na li fumani, kuya ka Linzwi la Mulena. Ikona ku utwahala inge sikuba; mu lumele fela ona foo! Ku itingile meno a litamiso za mina mwa inezi.

⁹⁶ Cwale, ha likoni ku swalana ka meno a kopano. Li lumelelana fela ka meno a Linzwi. Kono kuna ni batu mwa lifasi baba lumela Linzwi lani! Si ka lwala sitamiso kuli Munyaliwa yani a zwe fa, u tamehile, kakuli Munyaliwa ni Munyali ki nto iliñwi. Mi Mulimu ki alimuñwi, mi Linzwi ki Mulimu! Lika tokwa ku swalana ka meno a Linzwi, mi Li ka hohela Munyaliwa kwande a likopano ze.

⁹⁷ Eehe, na bata ku ni nyaziseza. Mwa ziba, si ni hupulisa ka kubulela ka, zona kakusasana cwana kuli, Mulimu uipatanga kwa mulaho a matalo, litalo la mutu.

⁹⁸ Likande nyana fela cwalo, mi kipeto Ni ka kwala; muni swalele kuli Ni mi bulukile bukaufi ni mizuzu ye mashumi amane ka ze ketalizoho cwale. Kuna ni ndu, ndu ya Mukreste, mi neku na ni... Ne ni bulezi taba ye ku muhanyezi yo. Mi mwa ndu ye neku na ni... Neba lumelaku Mulimu. Neba na ni mushimani yomunyinyani kwani, kono na sabile kuisa lifu mwa liñungwa lani. Lumonyi, oh, na saile hahulu kubata kushwa. Na matela mwataswa litafulé, kai ni kai, hane isweli ku monyeha.

Kacwalo busihu bobuñwi kwa taha liñungwa lelituna fa simu yani, mi kone ba pila, mi likota ne lisweli ku nyanganya, ni mamonyi inge a monyeha, ne se kuya ku unsufala kueza busihu luli. Bo mahe bali ku Junior, bali, “Cwale, Junior, zamaya upahame fahalimu u yo lobala.” Ali, “Cwale, usike wa saba. Zamaya upahame fa halimu fani.”

⁹⁹ Kacwalo Junior yomunyinyani, ni liapalo za hae za pajama inza tinile cwalo, a pahama fahalimu fa mahatelo fani, a itemuna kwa mulaho, a bata kulila. Mi a yo lobala, alika kuli a lobale, aikapesa kwa toho. A palelwa ku lobala; lumonyi lwani lwa

monyeha mwa lihaulo. Mi abulela kuli, “Oh, ima,” ali, “amu tahe kwanu mu to lobala nina.”

Kihande, bomache hali, “Junior, hakuna se si ka ku kataza. Lumonyi lo haluna ku ku holofaza.”

Kono yena ali, “Kono, ima, amu yahe kwanu mu to lobala nina.”

¹⁰⁰ Kacwalo bo mahe ba pahama fahalimu fani mi ba lobala fa mumbeta, ni junior wa bona. Mi se bali, “Junior, mwana ka yomunyinyani wa mushimani, bo maho ba bata ku ku bulelela nto yeñwi.” Mi bali, “Junior, luna lu lubasi lwa Bukreste. Lu lumela ku Mulimu, mi lu lumela kuli Mulimu uka lu sileleza kwa liñungwa. Lwa lumela cwalo. Mi lu lumela kuli Mulimu u babalelanga ba Hae.” Mi bali, “Ni bata kuli lu lumele cwalo, Junior. Kuli, usike wa saba. Mulimu una ni luna, mi Uka lu sileleza.”

¹⁰¹ Junior a shungula fa nako nyana. Mi ali, “Ima, Na lumela cwalo, nina.” Mi ali, “Kono lumonyi lwani ha lu sutelela hahulu bukaufi ni lihaulo, Ni ka tokwa kuswala Mulimu ya apezi litalo ku Yena.”

Kacwalo Ni nahana kuli buñata bwa luna ba bahulile lu nahana nto yeswana. Mulimu, ya apezi litalo ku Yena! [Hakuna manzwi fa tepu—Mu.] Mulimu, ya apezi litalo ku Yena! Ikona ku utwahala inge bukuba, kwa lifasi, kono li hohela batu kaufela ku Yena.

Halu lapeleni.

¹⁰² Ndate ya kwa Lihalimu, sina makande amanyinyani a—a kutwisiso, mi fokuñwi a ezahala ka libaka. Mi ki cwalo, kono ka buino bwa ona bwa kutokwa likute, niteñi lwa li utwisisa mwa mushobo one li ezahalezi ku ona. Kacwalo lwa itumela ku Wena, busihu boo, Mulena, kuli—kuli Mulimu wakona kuipata Iliyena ku luna. Lu itumela kuli neku nani swalelo yene ezahalile, ili Mali a Ya lukile, Jesu; Yena yana li mutalelala wa Mulimu, yena mutalelala wa Bumulimu ka mubili, kuli Na lobalize bupilo bwa Hae bo bunde; isi kuli ne ku zusizwe ku Yena, kono ka kulata a bu lobaza, kuli lukone kuikola Yena mwa mutalelala wa Kubateni kwa Hae, mwa kanya ya Shekina ya Na pila ku yona; kuli mioyo ya luna ikone ku keniswa ka Mali ani, kuli Moya o Kenile omutuna Kasibili ukone kupila ku luna. Mi luba baluti, bapolofita, ni babañwi cwalo, kwa sicaba, ku bani, Mulena, baba tokwile; limpo za Mulimu; Mulimu yena Kasibili inza iponahaza, inza monyeha limpo zetuna za Mulimu, fapila lusika lo lwa kacenu.

¹⁰³ Mi mubulelelo o siyo hande, Mulena, ka kuba sikuba. Mi lwa ziba, kuli mwa lizazi le, kuli si kona kunga nako yeñwi fakuli lifasi libe mwa kubola sina mo iinezi keleke kacenu, ka kuikopanya fela kwa likeleke ze nca ni likopano ze nca. Muuna ya taha ni Linzwi uka baliwa kuli ki sikuba, kuli ki mutu

ya takana. Sina muapositola yomutuna Paulusi, yana lutilwe kuli abe muituti wa za bulapeli, neli muprisita, kono niteni na bulela kuli nabile sikuba, kwa kanya ya Mulimu. A toboha tuto ya hae, kuli sicaba sikone ku...teeleza kwa manzwi a hae a matuna atezi tuto. Mi abulela kuli na si ka taha ka manzwi a kalembeshwa ni butali bwa mutu, kuli tumelo ya bona ibe ku ze cwalo. Kamo keleke i sikuluhezi ku zeo kacenu, sina hana polofitile kuli, "Kasamulaho wa kuya kwana, litongwani li ka kena, halina ku siya mutapi." Kono abulela kuli na tile ku bona, "mwa mata ni ponahazo ya Moya o Kenile," kuli tumelo ya bona ibe ku Mulimu. Ndate, nabile sikuba, kwa lifasi, kuli a zibe Jesu.

¹⁰⁴ Mi ni luna lu cwalo kacenu, Mulena. Kuna ni batu babali mo baba talimwa kuli ba lyangana, bakeñisa kuli ba itukisize ku sepa Mulimu kwa foliso ya bona, ka bu kamuso bwa bona bwa Kuyakuile ko ba libile. Ba itoboha libubo la bona, kwa kulapela Yena. Ba itumela ku Yena, ba Mu lumba, banze bafa tukuluho kwa moyo wa bona, kuli balapele Mulimu; ba talimwa kuli ba lyangani. Kono No ize, kuli, "Bu—bu kuba bwa Mulimu," haiba lu likuba, "ki bo butuna kufita butali bwa mutu; kakuli mutu, ka butali, ha si ka ziba Mulimu. Kono ki ka bukuba kwa ku kutaza, si tabisize Mulimu kuli a ba pilise bene ba ka piliswa." Lwa lapela, Mulimu, kuli yena Muñoli yomutuna wa Linzwi le ataha busihu bo mi afolise bakuli, a pilise baba latehile. Lwa li kupa ka Libizo la Jesu. Amen.

¹⁰⁵ Ni swanisisa Mulimu, ili kuli musike mwa lyangana ka se Ni bulezi kacenu; Mulimu ki yena Daimondi yetuna, wa Kuyakuile.

Mi cwale daimondi ha i zuswa mwa macwe a mubala wa ndilu a mwa Africa, Ni bile mwa mikoti mi ni a boni mwa butuna...mo ba evezanga ni ku zusa daimondi mwateni, mo akenelanga mwa cika ye luba, mi kipeto kutunya mulilo omutuna wa mubala wa ndilu ya daimondi, kuzwa daimondi ye nsu kwateni. Haana mubala o mutuna hahulu, mubala omuñwi cwalo. Ki macwe amatuna fela ona cwalo. Mi, luli, hana mulilo ku ona ka nako yeo. Ona ki daimondi fela, ki licwe; le li likanelela, leli basizwe hande, buñata bwa ona cwalo. Kono daimondi ye ina ni ku pumiwa. Cwale, ki ku lwanisa mulao fa kuba ni yeñwi kusina ku ipuma. I swanelia ku pumiwa, mi kipeto muna ni kuba ni pampili ye paka ko mu ilekile, kakuli kuna ni ma dollar a lule lule mwahala ona.

Mi Ni swanisize Mulimu kwa daimondi yani.

¹⁰⁶ Cwale, daimondi hai pumiwa ki kuli i bonahalise se sili mwahala yona, mulilo oli mwa daimondi yeo. Mi ina ni ku pumiwa ka bu nyinyani kaufela, mubonahalelo o munyinyani kaufela, maneku amalalu. Kubeya maneku amalalu kwa daimondi, ni liseli ku monyeha fa siemba sa maneku amalalu si ka monyeha mibala ye supile, mwabona, si panga mibala ye supile.

¹⁰⁷ Mi cwale ha mulemuhe, “Mulimu na titikezwi libi za luna, na holofalezi bumaswe bwa luna.” Mwabona, Na pumilwe, a holofazwa, yona Daimondi yetuna yani, kuli kuzwa ku Yena kukone ku bonahala limpo kwa Keleke.

Mi ha ki liseli; kakuli, liseli li swanela ku kuta mwatasi, haiba lizazi ha li yo, kuya fo i pumilwe.

Kono siemba sifi ni sifi se sinyinyani se si zwelela kwa ku pumiwa kwani ha si sinyiwi; si beiwa sa itusiswa. Buñata bwa zona li eziwanga lindonga za Victrola. Mi lindonga zeo litisa, ze zwile kwa daimondi yani, litisa munembo o lukisizwe ka bukwala bwa teni.

¹⁰⁸ Mi Ni sepa mwa bona se Ni talusa. Siemba se si zwa ku Kreste, mpo yezwa ku Kreste, ye beilwe fa Bibele, ibulela likunutu ze patilwe za Mulimu ku mulumeli. U ziba likunutu za mwa pilu. U ziba mutu kaufela. Kana mwa lumela cwalo?

Haikoni kuba daimondi yeli, “Mwa bona se Ni li sona?” Ki seo a zwile ku sona. Daimondi ki daimondi kakuli izwa kwa daimondi.

¹⁰⁹ Mi ona cwalo kona mo liinezi limpo za Moya, kikuli... . . . ku mutu, ki siemba sa Daimondi. I lumilwe, mi itisizwefafasi, ni kutiswa kuba mpo, ku toloka, ku kutaza, ku luta. Kuna ni limpo ze ketalizoho za moya; ba apositola, bapolofita, baluti, balisana, ba buleli, mi bao kaufela ba bezi teni kuhulisa Mubili wa Kreste. Mi sina fela hakuna ni baluti, balisana, ku lukela kuba ni bapolofita. Lwa ziba cwalo.

¹¹⁰ Mi lu lumela kuli Mulimu una ni ku bonahala mwa lizazi la mafelelezo, mwahala sicaba sa Hae, kwa Peu ye ketilwe, kuya ka Bibele, mwa mufuta wa mupolofita. Zeo ki ku zamaelela ni Linzwi. Isiňi kuli mutu cwale seli Mulimu, kono ki kuli mpo ki Mulimu. Mwabona? Mi yani kona ndonga.

Cwale, pini haikoni kuliza pina yateni ka swanelo. Ndonga ye zibahala ya kulukisa liapalo haikoni kuliza hande. Kono haili daimondi, yona ki yende. Ya li utwahalisa hande ka bukwala, yona ndonga ye supile hande ye shengile.

¹¹¹ Mi Mulimu, busihu bo... . Pina ya hao ya bupilo, kaufela se si fosahalile ku wena, kaufela so lakaza ku Mulimu, mi cwale yena Mulena yomutuna Ya sweli ndonga yeo mwa lizoho la hae, cwale A si beye mwa bupilo bwa hao ni ku lu patululela so tezi kwanu, so bata; konakuli kaufela luka ziba kuli Utensi mo.

¹¹² Ndate ya kwa Lihalimu, a Ku lumeleze zeo Ni si ka kalisa kale mukoloko wa tapelo, hani leli kueza se, kono U li alabe, kuli sicaba si zibe. Kwa kona kuba baeniyi mwahali mo baba bata ku lapelelwa. Ha ni ba zibi, kono Wena wa ba ziba. Mi Paulusi ali, “Haiba mu bulela ka malimi, mi ha kusina toloko kamba kutokwa kufa tuso ya ku yahisa, batu ba kali wa pulumuka. Kono haiba alimumu a polofita ni ku patulula se si mwa pilu,

konakuli baka li, ‘Kaniti Mulimu una ni mina.’” Hakube cwalo hape, Mulimu, mwa hola ya mafelelezo ye. U sepisize cwalo, mi kona mo ku ka bela. Ka Libizo la Jesu Kreste. Amen.

¹¹³ Cwale ha Ni zibi kuli ki batu babakai ba bakula mwahali mo busihu cwana, babali teni mo? Kamba kikuli Billy ufile tapelo . . . ? Kana kuna ni kadi ya tapelo ye filwe? [Mizwale bali, “Eeni.”—Mu.] Kuna ni. Kihande, Ni sepa kuli mutu ya kula kaufela una ni kadi ya tapelo, kono ha Ni zibi se mu ñozi fateni. Ni sepa u mi tambekile fela kadi; muñola fateni ze mu bata. Kana ku cwalo? Mina mu amuhezi fela kadi; mu beya fateni ze mubata kaufela.

¹¹⁴ Na hani mi zibi. Ki babakai mwahali mo baba ziba kuli ha Ni mi zibi, kono niteni mwa kula, mi mu ka bulela kuli, “Se Ni utwile ha u bulela kacenu kuli, ‘Mulimu kwa mulaho wa matalo. Mulimu kwa mulaho wa litalo ba butu, inza ipatile Iliyena’”? Kono haiba muna ni meto a moyo, ne mu ka tona ni ku Mu bona, kubona Yo ali Yena. Mi mwa lumela cwalo. Jesu naize, “Yena ya lumela ku Na misebezi ye Ni eza uka eza ni yena; yemiñata kufita ye u ka ieza mane, kakuli Ni ya ku Ndate.” Cwale, haiba u lumela ka pilu ya hao kaufela!

¹¹⁵ Ki babakai mwahali mo ba bakula, mi muziba kuli ha Ni mi zibi, mwa ziba ze fosahalile ku mina? Mu namule fela mazoho a mina, muli, “Na kula. Ni tokwile.” Ki babakai babana ni takazo mwa lipilu za bona, isiñi ku kula, kono babana ni takazo? Mwa ziba se Ni . . . Ku lukile. Hakuna nihaiya yomukana, yo Ni boni, kono konji baba nanuzi mazoho a bona. Cwale, Hani zibi . . .

¹¹⁶ Ni ziba muuna yo yainzi fa. Ni sepa kuli yo ki Muzwale James, mi Ni sepa kuli yani ki Kezeli James. Muzwale Ben, Na mu ziba. Ka lifateho za mina fela, linako zeñwi; muzwale ya kopanga maswaniso. Kono ki . . .

Yomuñwi kwa mulaho kwani, kai ni kai, fela . . . Ni—Ni—Ni swabisa cwalo, fa mayemo, ni kukwala kwa Liñusa le.

¹¹⁷ Kana mwa ziba kuli Mulimu na sepisize se kuli si ka ezahala mwa mazazi a mafelelezo? Na file sepiso. Mwabona? Cwale ha Ni koni ku eza kuli li ezahale. Mwabona, Hani—Hani koni kueza cwalo. Una ni kueza cwalo. Ki Yena Ya eza lika; haki na. Kono Na lumela ku Yena, kusi cwalo Ne ni sike na kona kuyema fa inge ni mi bulelela sika se Ni sa lumeli ku sona. Cwale, mu lapele, mi mu li, “Mulena Jesu, Ni lutilwe mwa Bibele kuli Wena u Muprisita Yomutuna ona fa cwale, ya kona ku swaliwa ka maikuto a matuku a luna.” Hanina taba kamba mu kai. Mi mu bulela fela kuli, “Na Ku lumela. Mi, ka tumelo, Na lumela sa bulezi muuna yo kacenu.”

¹¹⁸ Sani kona sene li bi bulelezi Lingeloi kuli, “Kolwisa sicaba kuli si ku lumele.” Mi haiba Ni bulela Linzwi la Mulimu, ha kikuli “mulumele na,” kikuli “mulumele Linzwi.”

Haiba ha li zamaeleti ni Linzwi, konakuli musike mwa li lumela. Kono haiba mwa li lumela kuli ki Linzwi, konakuli, seo kaufela sili sona, mu lapele mi mu lumele, mi mubone haiba U sa kona ku si patulula mwa lipilu za mina.

¹¹⁹ Mi mutu kaufela wa ziba kuli Bibebe ibulezi, kuli, "Linzwi la Mulimu li buhalu kufita mukwale o lozizwe kafa ni kafa, mi li lemuha maikuto ni milelo ya mwa pilu."

Cwalo kona mwa na zibezi Abrahama kuli yani neli Mulimu, fani ha Na bulezi sa na ambola Sarah kwa mulaho mwa tende, sana sweli ku nahana fateni; fani ha Na ize, "Ni ka ku potela," mi Sarah a nahana mwa pilu ya hae kuli, "Haku koni kuba cwalo."

¹²⁰ Cwale, Ni bulezi kuli Utene mo kuli a mi folise. Ki sikamañi se mu nahana ka sona? Haiba fela mukona kulumela! Cwale, Hani koni, Hanina nzila isili; Ndate wa Lihalimu wa ziba cwalo. Mwabona? Nina ni kubona cwalo fela. Mi se Ni bona, Na bulela; mi se Ni—Ni sa boni, kipeto, Hani si buleli. Kono Yena usali Mulimu ni ha kuba cwalo! Kikuli seo si ka ekeza tumelo ya mina, haiba Uka si eza?

Ku kutaza sina cwalo, si ni kasheza kwande hanyinyani. Kono ki Yo fa. Na ziba cwalo.

¹²¹ Ne ni talimezi muuna hana inamisa toho ya hae, ona *kwanu*. Musala hae uinzi bukaufi ni yena, wa lapela, ni yena. Ona *kwanu*. Una ni sesiñwi mwa pilu ya hao. Musala hao, wa lapela. Una ni mutiyo mwa pilu ya hao. Ki sa mukwenyana hao ba basali. Yeo ki niti. U lumela kuli Mulimu wakona ku ni bulelela se si fosahalile kwa mukwenyana hao ba basali? Na hani ku zibi. Luna lu baenyi ku mañi ni mañi. Kona kuli yeo ki niti? Wa lumela kuli Mulimu wakona ku ni bulelela se si fosahalile ku bona? Yena ha yo *kwanu*. Ni bona musipili o mutelele; ba inzi kwa upa *kwanu*. Ba inzi kwa Ohio. Yeo ki niti. Ba katazwa ki butata bwa mali. Musala hao a yo beya kataulo kao, ka sweli kulilela fateni, ku bona. Usike wa kakanya; ba kaba hande. Wa lumela cwalo?

¹²² Ki yo fa kalibe yomunyinyani ya inezi kwa pata *kwanu* kuna. U sweli wa lila. Kuna ni se si fosahalile ni mwana, ha Ni zibi... Batili, hakuna se si fosahalile. Una ni fela takazo. U sweli ku lakaza ku amuhela kolobezo ya Moya o Kenile. Seo KISONA SA BULELA MULENA. Lumela, mwana, u ka si amuhela. Yeo ki niti. Usike wa kakanya.

¹²³ *Kwanu* kuna ni kalibe ya inezi kwa mafelelezo a sipula. U sweli wa lapela. Na ni muenyi ku yena, kono u apesizwe ki muluti. Ubile ni ku pazuliwa. Haiba lu baenyi ku yomuñwi ni yomuñwi, Na sepa. Ha ni ku zibi. Ha u ni zibi, mwendi u ni utwanga fela. Wena ha u zwi *kwanu*. Wena u muenyi mwahala luna. U zwelela kwa Wisconsin. Muleneñi ki wa Milwaukee. Mi butata bwa hao ki kansa; iinezi kwa lizwele. Ku pazuliwa mwa mulaho wa ku pazuliwa, niteni kusina tuso. Tuhela tumelo, yene

sweli mungundo wa sapalo sa Hae, u lumele cwalo ona fa. U si nwelisa mwa pilu ya hao; si ka to ezahala. Ba ni tumelo!

¹²⁴ Muuna ya inezi mwa lilulu kwani. U sweli ku lapelela bo mahe. Ki muenyi kuna. Hani mu zibi. Kono ku lapelela bo mahe. Mi bo mahe bana ni butata bo bu swana sina musali yo bwa nani, kansa. Kamba, wa swaba, kona mo kuinezi. Kuna ni muuna yo sweli ku lapelela, mi muuna yo una ni butata ni mukokoto wa hae. Mi yena, hape, Na mu bona kuli u kozwi. Ki cakolwa. Mu zwale wa hao. Wena ha uzwi kwanu. U zwelela kwa Illinois. U lumela kuli Mulimu wakona ku ni bulelela libizo la hao? Farmer. Kana ki niti yeo? Nanula lizoho la hao. Lumela!

¹²⁵ Kuna ni ya kubami yomuñwi, wa lapela, yomuñwi ya lobezi fa kambeta. Ku lukile. Kana wa lumela so utwile, kuli ki Niti, kalibe? Wa lumela. Kambe Na kona kuku folisa, Ne ni ka eza cwalo. Kono u folisizwe kale ki Kreste, wa bona. U lukela fela kulumela cwalo. Kalibe ya yemi fani yani, inza lapela, na sweli kuku lapelela kuli u swalwe. Na ha ni ku zibi, kono Mulimu wa ku ziba. Wena u zwa kwande a tolopo, hape. Yeo ki niti. U zwa kwa Illinois. Yeo ki niti. Muleneñi u bizwa kuli East Moline, Illinois. [Kezeli uli, “Wani kona muleneñi kone Ni pepezwi.”—Mu.] U katazwa ki kansa. U musala mukutazi. Kana wa lumela? [“Eeni.”] U ka shwa, inzo lobezi fo. Kiñi ha u sa Mu amuheli busihu bo, ni kubulela kuli, “Na kona, mwa pilu ya ka, ka tumelo ya ka fahalimwa sika kaufela se si liteni mo, Ni lumela kuli Ni folisizwe. Ni fapila Kubateni kwa pata ya Mulimu.” Yema, lumela, mi uye kwa hae u lumele. Ki yani fani.

Kikuli mu lumela ka lipilu ya mina kaufela? [Kopano ya nyakalala—Mu.] Halu lumbeni Mulimu.

¹²⁶ Ndate ya kwa Lihalimu, lu timela ku Wena ka bunde bwa Hao kaufela ni sisshemo. Lwa itumela ku Wena, kakuli, U saliteni mo, mane ni mwahala butata bo. Mwa lifasi leli lyangani le, kono ni fo Utensi. Tuhela Moya wa Hao, Mulena, kamita uine ni luna. Lu bona kuli Utensi mo, Mulimu yana ni litalo ku yena, mwa lipilu za butu; inza fa tumelo, ni sinulo, ni pono. Wena u Mulimu mwa Keleke ya Hao, Mulimu mwa sicaba sa Hao. Lu itumela ku Wena ka se, Mulena. Mi cwale mañi ni mañi a lumele, busihu bo, ka buñwi, mi haba foliswe. Kuya ka Libizo la Jesu Kreste, Na lapela. Amen.

¹²⁷ Ki babakai kafo babana ni makadi a litapelo, kwa neku *lani*? Mutuhele baba inezi kwa neku *lani*, ba kute kwa mulaho, mutahe mwahala libaka zepeli *zee*. Bao kwa neku *leo* kafo, ba tahe neku *le* cwana, munge fela sibaka sa mina, mutahe fela neku *le*. Mutuhele bao, ba sa feza fela, mukoloko *wo* u ka swalana ni o tatama.

¹²⁸ Ba bahulu a mutahe kwanu. Muzwale Roy, Mulena aku fuyole; ne ni sa zibi kuli uinezi foo. Ni bata madikoni ba keleke

kwanu kapili, haiba bakona kutaha kuzwa ko ba inezi kaufela. Ba tahe kwanu kwa tuso nyana.

Ni bata kuli mañi ni mañi ya ka lapelelwa, a nanule lizoho la hae, mubulele cwana mwa mulaho waka.

Mulena, [Kopano ili, “Mulena,”—Mu.] Na lumela. [“Na lumela.”] Tusa ku sa lumela kwaka. [“Tusa ku sa lumela kwaka.”] Na lumela [“Na lumela”] kuli mwa Kubateni kwa Hao, [“kuli mwa Kubateni kwa Hao,”] hanze Ni latelela Linzwi la Hao, [“hanze Ni latelela Linzwi la Hao,”] mi ni...mazoho abeilwe kuna busihu bo, [“mi ni mazoho abeilwe kuna busihu bo,”] Ni ka amuhela foliso yaka, [“Ni ka amuhela foliso yaka,”] ka Libizo la Jesu. [“ka Libizo la Jesu.”] Amen. [“Amen.”] Mulimu ami fuyole.

¹²⁹ Cwale a mutualime. “Tapelo ya tumelo ika pilisa ya kula. Ha ba ka beya mazoho abona ku ba bakula, ba ka foliswa.” Na bulelezi Nuwe kuli ika nela. Ne isika—Na sika...Ne ni sika li, “Mu sa zo—mu sa zo lapelelwa fela, mu kaba hande.” Na bulezi kuli, “Ba ka foliswa.”

¹³⁰ Na bulelezi Nuwe kuli ika nela. Ne isika be inela fateni ka myaha ye mwanda ni mashumi amabeli, kono ya to nela.

Abulelela Abrahama kuli na kaba ni mbututu ka Sarah. Ne ku sika ezahala kale cwalo fa myaha ye mashumi amabeli ka aketalizoho, kono kwa ezahala.

Na bulelezi Isaya kuli mwalyanjo uka itwala. Ne ku si ka ezahala fa myaha ye mianda ye ketalizoho ka ye milalu, kono a to itwala.

Kana ki niti yeo? Na sepisize cwalo! Hakuna taba kamba ne kungile nako yetelele cwani, Wa li petanga, niteni. Mwa lumela cwalo.

¹³¹ A mutahe kwapili cwale. Mutuhele kuli Muzwale Capps a etelele mwa lipina. Mu ka shimbulula makadi? Cwale mañi ni mañi mube mwa litapelo cwale.

¹³² Ndata luna ya kwa Lihalimu, lu la utwela litaelo za Hao ka kubeya mazoho fa sicaba se sikula se. Hani zibi nto iliñwi hape Yo ka eza, Mulena, kakuli U bulezi, mwa Linzwi la Hao, U lekile foliso ya bona. U bonisize kuli Utensi mo ni luna busihu bo, Linzwi leli kona ku lemuha milelo mwa pilu. U bonisize cwalo, kuli Utensi mwahala luna. Mi Na ku lapela, Wena, Ndate, kuli Linzwi la Hao, leli sa palelwii, libe la niti kwa pilu kaufela! Ha No bulezi wali, “Haiba mukona ku lumela; musike ku kakanya, kono mu lumela; mukali kwa lilundu le, ‘Aku shimbuluke,’ mi mu sa kakanyi, kono mu lumela kuli li ka ezahala!” Na si ka bulela kuli ki lili.

¹³³ No bulelezi sicaba, kwa Pentekota, kuli si ye kwani si yo libelela. No si ka bulela kuli ki lihola, mazazi; No ize, “kufitela.” Cwale ba taha ku to amuhela foliso ya bona.

Mi cwale basike ba nahana taba isili kono ibe fela kuli ba folisizwe, kufitela kutamuluha kutaha. Lwa Ku utwela ka kubeya mazoho, fahalimwa bona, kakuba balumeli. Ka Libizo la Jesu Kreste. Amen.

¹³⁴ Ku lukile, a mutahe cwale ona fa. [Muzwale Branham ni mizwale ba beya mazoho fa sicaba, mi ba lapelela mañi ni mañi mwa mukoloko wa litapelo. Hakuna manzwi fa tepu—Mu.] Mu folisizwe. Mulimu aku fuyole. Aku zwelepili cwalo. Kona hande! . . . ? . . . [Hakuna manzwi fa tepu.]

Kaufela za konahala, lumela fela;
Lumela fela, lumela fela,
Kaufela . . .

Mulena Jesu, Ni lapelela litaulo ze cwale, ka Libizo la Jesu Kreste. Amen.

Hani zibi haiba lwa kona ku cinca manzwi ao:

Cwale Na lumela, ki cwale Na lumela,
Kaufela za konahala, cwale Na lumela;
Cwale Na lumela, cwale Na lumela,
Kaufela za konahala, cwale Na lumela.

¹³⁵ Kana mwa lumela kuli se si kupilwe ni ku lakazwa li ka alabiwa? [Kopano ili, “Amen.”—Mu.] Li ka ezahala.

¹³⁶ Ni boni, hane ni fita mwa mukoloko fa nako nyana, babañwi ba balikani baka ma Italian ba bazwa kwa Chicago. Ki babakai baba ziba Kezeli Bottazzi ya zwa kwa Chicago? Kihande, mwa ziba, nana ni—ni booko, ngana i lyangani fa nako nyana ye fitile, luli, luli ha butuku. Kono kakusasana mwa Chicago kwa mukushuko wa Baana ba Pisinisi ya Sikreste, Na bulelela kezeli, mwatasa susumezo ya Moya o Kenile. Ataha kwa neku leliñwi, mi na sa koni ku itiisa. Mi se Nili, “Kezeli, hauna ku libala nto yeo kapili, kono ukaba hande.” Se nili, “Mwendi ikona kuba likweli ze eitini, kamba myaha yemibeli, ona mwa sibaka seo ukaba hande.”

¹³⁷ Zazi leliñwi hane ni ambola ni yena . . . Na mu utwa hafa bupaki, na tabezi hahulu, mutabelelo omutuna hahulu wo akile aba ni ona mwa bupilo bwa hae kaufela. Na sweli kumatisa mota ya hae. Na sina kozo, Kubateni kwa Mulimu ne ku bonahala kuzwa ku yena; luli, neli musinga wa mwa booko, mwa ziba; mi hañihañi fela akutela ka kutala tabo yetuna, mi mata a Moya o Kenile nali fahalimwa hae. A bokolola, a lila, mane—mane a ba . . . Neba nani fela nako yende, mwendi lisunda zetalu kamba zene kwa mulaho, kamba mane kweli. Mi Na mu utwa inza fa bupaki, Sunda yaale yefelile, mi ali, “Muzwale Branham, ha Ni yo kuta, Na tokomela ni kunga tepu yani. Mi neli ka likweli ze eitini ze kwanile ona cwalo, ka lizazi lateni.” Amen.

Kana mwa Mu lata? [Kopano ili, “Amen.”—Mu.] Kana ha Ki yomunde nji? [“Amen.”]

¹³⁸ Cwale, ona Moya o Kenile o swana okona kunuha za niti, kusina ku mbwinja nihaiba nako iliñwi, myaha ye kaufela; ni, mwahala Linzwi la Hae, ulikile ku apula la likile ku mi patululela lona kuli Mulimu ha ki sibupiwa sesiñwi fela cwalo ze sizwa ku za ikale cwalo. Yena wa pila, tensi ya cwale, Linzwi la Hae li bonahalile. U i patile Iliyena mwa sapalo sa butu, mwa Keleke ya Hae, u i patulula Iliyena ka tumelo ya mina ni tumelo yaka, hamoho, utaha hamoho, kupanga siñomoto sa Mulimu. Na hakuna se ni kona kueza kusina mina; ni mina hakuna se mukona kueza kusina na; kamba nihaiba kueza sika kaufela kusina Mulimu. Kacwalo, hamoho si panga siñomoto, ili swalisano. Mulimu u ni lumile ka libaka; mwa lumela; mi kipeto sa ezahala. Cwalo ki cona fela, mwabona, ku pakilwe ka kupetahala.

Hanina taba kamba kiñi se si fosahalile ku mina, kaufela sa bulezzi mutu; haiba, kuzwa mwa lipilu za mina, mu lumela kuli mukaba hande, hakuna se sikona ku mi tibela. Na bulezzi cwalo. Mi Na ize kuli, “Lihalimu ni lifasi li ka fela, kono Linzwi la Ka halina kufela.” Kikuli mwa lumela cwalo? [Kopano ili, “Amen.”—Mu.]

¹³⁹ Ki babakai ba baka ni lapelela mwa mikopano yemiñwi mo Ni ya? [Kopano ili, “Amen.”—Mu.] Ni alimuñwi ya tokwa litapelo. Mwabona? Mutu kaufela u ni hanile, mwabona, kwanda mina, kono niteni ku sa na ni Peu kwande kwani.

¹⁴⁰ Ne ni lumile liñolo kwa South Africa. Ne ba sa lati ku ni lumeleza kukena konji hane Ni ka nyatela pampili kuli Ni “ka yo kolobeza, kwa neku lani, mañi ni mañi halalu; hañwi ka Ndate, mi hañwi ka Mwana, mi ni ka Moya o Kenile, kuya sifateho kwa pata. Kwa neku leliñwi, Ni ka kolobeza ka kukuta kwa mulaho, hañwi ka Ndate . . . ni kuluta kuli yani kona Tuto.”

Ne ni ba ñolezi liñolo. Na li, “Moya o Kenile ubile ulika, ka lilimo zelikani nyana za mafelelezo, kuli ba ni lumeleze kukena mwa Africa hape. U bata ku itusisa bulumiwa bwaka kwani ko baba likiti ze mashumi amalalu neba amuhezi Kreste musihali omuñwi.” Se nili, “Muhipule, mali a mioyo yani abe fa halimwa mina, isiñi kuna. Ni batile kale kutaha, kono mu ni hanezi kueza cwalo.”

Hani zibi mo ku kabela mwa lizazi le fo Jesu, yena Mwana Mulimu u hanilwe ki keleke, ki Linzwi le li hanilwe? Kono mwa—mwa lika zeo kaufela, Yena u sa ikeza ili Yena ku zibahala kwa sicaba sa Hae. Kikuli ha mu itumeli ka zeo? [Kopano ili, “Amen.”—Mu.]

¹⁴¹ Mi Ni fitile, busihu bo, ni ba beilwe mazoho, babamu ki basali baba hulile, babamu ki banana, babamu ba supezi, babamu ki mitangana ba sanana, baana bahulu, ba kolobile luli sina mo Ni inezi. Na hupula kuli, “Kuina fani, kuina fani inze ni teeleeza kwa Linzwi leo babañwi kaufela ba lifasi haba nahana

kuli ki bukuba." Mwabona? Ki li—ki li litamiso. Mwabona, Mulimu uteni fa kuli ato tamahanya ka meno a zona, ami hohele kuzwa mwa matuku a mina. Ki sepiso ya Linzwi. Mu hupule fela, li ka kala ku swalana, "Ni ka ba hoha; haiba Ni nanulwa, Ni ka ba hoha." Uka li zusa ku mina. Yena ka niti uka eza cwalo. Mu Mu lumele fela, mube ni tumelo ku Yena. Musike mwa Mu kakanya. Mu Mu lumele.

¹⁴² Muni lapelele. Haiba hamuna mutu wa ku lapelela, kipeto mu hupule na.

Mi cwale kufitela lu kopana! kufitela lu kopana!

Kufitela lu kopana . . .

Ni itumezi ka kutaha musipili ye mitelele yeo. Mulimu a mi bukeleze hanze muya kwa mahae!

Kufitela lu . . .

Mu lumelise Bakreste kaufela, mu ba lumelise, kuzwa kwa sikuwata se kwanu. Kozo ya Mulimu ibe ni mina! Kozo!

Mulimu abe ni mina kufitela lu kopana hape!

[Muzwale Branham ukala kuñuñuna kuli *Mulimu Abe Ni Mina*—Mu.]

. . . kufitela lu kopana!

. . . kwa mautu a Jesu;

Kufitela lu kopana! kufitela lu kopana!

Mulimu abe ni mina kufitela lu kopana hape!

¹⁴³ Ni tabile hahulu. Mwa bona, kuna ni babañwi, lika zeñata ha Ni li zibi, kono kuna ni lika zeñwi ze Ni ziba. Ni itumezi hahulu ka mina. Ni tabile hahulu kuba ni mina. Ni tabile hahulu kuba alimuñwi wa mina. Mulimu abe ni mina. Ukaba cwalo. Hana ku mi siya. Hana ku mi hana. Hana ku mi siya. Mu se mu punyizwe lisila kwa buse cwale. Mwabona?

¹⁴⁴ Ki tabo luli busihu bo ka kubona Muzwale Palmer, alimuñwi wa balikani ba luna wa kwanu, ya zwa kwa Georgia. Muzwale Junior Jackson u mwa muyaho wo kokuñwi, kwa mulaho kwani, lu tabile fa kuba ni yena. Muzwale Don Ruddell u inezi kwanu. Oh, ki babañata hahulu! Hani zibi, haiba Ni siya alimuñwi. . . . Muzwale Ben Bryant kwanu, ni babañwi babañata mo, muzwale yomunde, Willard Collins. Lu tabile hahulu kuba ni mina kaufela mo.

Ki fo cwale ha lu yemeñi, fa nako nyana cwale. Halu inamiseñi litoho za luna cwale.

Kufitela lu kopana!

Kufitela lu kopana kwa mautu a Jesu; kufitela lu kopana!

. . . kufitela lu kopana!

Mulimu abe ni mina kufitela lu kopana hape.

¹⁴⁵ Kana mwa utwa bukaufi bwani bwa kopano ya Moya?

Halu iñuñuneñi. [Muzwale Branham ni kopano bakala kuñuñuna kuli *Mulimu Abe Ni Mina*—Mu.]

Ni lemuhile Muzwale McKinney, ya zwa kwa Ohio, uinzi ni luna. Muzwale John Martin ni munyana hae muzwale. Ki tabo hahulu fa kuba ni mina kaufela. Mwendi hanina ku mi bona mane, mizwale. Yena wa mi ziba.

Kufitela lu kopana! Mi cwale pilu yaka ni za mina, hamoho ni pilu ya Mulimu, libe nto iliñwi kufitela lu kopana! [Muzwale Branham ni kopano ba zwelapili kuñuñuna kuli *Mulimu Abe ni Mina*—Mu.]

(Ni tabela kukupa yomuñwi kuli a lukulule . . . ? . . .)

Hanze lu inamisa litoho za luna mwa tapelo.

¹⁴⁶ Lu like ku bonisa mukutazi kaufela kuli lu tibile ka kuba kwa bona mo, keleke kaufela, mina sicaba kuzwa kwa Tennessee, Ohio, ni mwahala naha. Basali babañwi bo Ni katani kwani kacenu, ku zwelela koo kaufela kwa Boston. Mizwale ya luna ba bansu kwanu, kakusasana cwana, kuzwa kwani ni bona hape. Ki babañata hahulu baba zwile kwa libaka ze shutana za naña; Ni itumezi ku wena, mulikana ka yomunde. Mulimu abe ni wena. Ni biza wena mulikana ka. Wa hupula sana bulezi Jesu ka seo? “Bukaufi mane kufita ni muzwale,” eehe, ki mulikani. Hanze lu inamisa litoho zaluna cwale . . . Kufitela lu ta kopana hape mwa mazazi alikani a tatama, Mulimu abe ni mina.

¹⁴⁷ Ni ka kupa muzwale wa luna yomunde, ya ishuwile, Muzwale Richard Blair, kuli ato lu lukulula ka linzwi la tapelo. Muzwale Blair.



SA BUIPITELI LOZ64-0614E
(The Oddball)

Liñusa le ka Muzwale William Marrion Branham ne li kutilizwe lwa pili mwa Sikuwa la Sunda manzibwana, Mbuwana 14, 1964, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org